

BEK 2 SKUL PROMOSI!
skul su

20% OFF

THEODIST LTD
THE STATIONERY SUPERMARKET

Walgait Drive, POM
Ph: 313 9800
sales@theodist.com.pg

Markham Road, LAE
Ph: 472 5488
saleslae@theodist.com.pg

PROMOSI BAI ISTAP INAP NAMBA 29 DEI BILONG MUN FEBUERI 2016 O INAP STOK PINIS

Yumi lukluk bek long ol bikipela wok kamap na ol arapela bikipela nius long yia 2015 long dispela laspela isu bilong Wantok niuspepa...
Hepi Niu Yia-2016!!

40 Yia i mas karim kaikai long 2016

Insait bilong nupela Sir John Guise Autdo Stedim i bin redi long opim 2015 Pasifik Gems long Julai 4, 2015. Foto: Nicky Bernard.



Frieda Sila Kana i raitim

YIA 2015 em i wanpela yia bilong promis insait long laip stori bilong Papua Niugini bikos kantri i makim 40 yia eniveseri na long bihainim tok bilong buk baibel, insait long 40 yia em sampela bikipela senis i save kamap.

Kantri i lukim moa long 150 LNG ges sipmen i go aut pinis long kantri bilong bringim mani kam insait long gavman bai mekim wok developmen na tu long ol papa graun i kisim pe bilong graun bilong ol.

Planti DSIP/PSIP akwital ripot i kam long Dipatmen bilong Rurel Implementesen na Diverlopmen (DIRD) i soim gavman i mekim moa wok insait long ol distrik na lokal level gavman eria long edukesen, helt, rot na transpot.

Long Pot Mosbi, Nesenel Kepital Distrik Komisen i wok bung wantaim Gavana Powes Parkop wantaim tripela memba bilong palamen, Minista bilong spots na 2015 Pasifik Gems na Minista bilong Helt long kamapim sampela nambawan kain senis long ol infrastraksa we kantri i no save lukim bipo.

Nau ol kain bikipela pilai inap kamap insait long Pot Mosbi eni taim bikos yumi gat ol spot fasiliti infrastraksa i stap.

Ol lain i go i kam long epot na namel long siti inap long go hariap wantaim ol bikipela rot kamap olsem Kukabara Flai ova bris na 9-Mail i go Gerehu bikrot.

Ol olupela gavman opis we i bin bagarap olsem olupela painapel bilding nau ol konstraksen i mekim gutpela wok long kamapim gen wantaim wankain lukluk tasol.

Olpela Sir John Guise stedim na Sir Hubert Mari Stedim wantaim ol Bisini Spot graun tu i kisim bikipela senis wantaim ol nupela na bikipela moa kot bilong pilai na ol stedim bilong pilai na sindaun na was long pilai.

Neks yia bai lukim Wol Soka Kap bilong ol meri kamap long Papua Niugini em ol pilai graun i redi pinis.

Long Waigani konvesen senta, bikipela haus i kirap pinis redi long bikipela APEC (Esia Pasifik Ikonmik Komisen) miting bai kamap long 2018 na olgeta wol lida bai kamap long en.

Ol pipel i save krai long gavman long em i mas

lukautim gut mani bilong pipel na putim i go stret long wok bilong developmen. Wankain tasol, gavman tu i laikim ol pipel i mas lukautim gut ol dispela infrastraksa na bai ol inap stap longpela taim.

Long 40 yia eniveseri, Praim Minista Peter O'Neill i tok orait long kisim olupela buk baibel bilong makim Tok bilong God long go insait long haus palamen we ol memba i save pasim toktok na lo bilong ol mani na polisi na long wei bilong ranim kantri.

Papua Niugini i givim namba wan ples long Tok Bilong God we gavman na sios bai wok bung wantaim long helpim kantri. Nau gavman i givim moa mani i go long ol sios long mekim wok developmen.

I no gat planti kantri long wol i gat dispela kain wok wanbel namel long gavman na sios i stap. Papua Niugini em i narakain na God i blesim wantaim kain, kain netsurel risos.

Gutpela gavanens na wok bung namel long gavman, sios, praivet sekta na ol pipel, wantaim gutpela strateji na polisi bilong developmen, i mas i stap long kantri bai lukim narapela 40 yia, stat long tumora, Januari 1, 2015.

CHECK-IN FAST! CHECK-IN ONLINE!

Avoid the airport queue! Online Check-in is available from 24 hours to 3 hours before departure.
*Online Check-in is not available for flights departing Australia and Japan.



Book Flights | My Flight | Book Hotels

Online Check In

Last Name

Booking Reference

Check In

PNG politiksriviu long 2015

Aja Potabe i raitim

PNG politiksriviu long yia 2015 i bin lukim planti samting i kamap. In-sait long Nesenel Palamen, Praim Minista Peter O'Neill na Oposisen Lida Don Polye i bin kirapim planti toktok.

Mista Polye i wok long sutim toktok i go long gavman long sampela ol bikpela samting bilong dispela kantri. Mista O'Neill i wok long toktok Mista Polye na ol osem gavman i ranim gut kantri na kantri i wok long lukim planti gutpela senis i kirapim.

Tasol Mista Polye na ol memba bilong Oposisen i wok long toktok Mista O'Neill na gavman i wok long gijamanim ol manmeri taim tru tru senis i no kamap long laip bilong ol manmeri.

Mista O'Neill i holim bikpela namba bilong ol memba insait long Palamen Haus. Oposisen i gat 10-pela memba tasol.

PNC Pati bilong Mista O'Neill i gat moa long 72 memba. PNC i mekim nem long PNG politiksriviu na Mista O'Neill i kamap wanpela pawaful praim minista.

Planti samting i bin kamap long politiksriviu long 2015. Yumi lukluk long sampela bikpela samting i bin kamap insait long Palamen Haus.

Vot i no gat bilip

Taim Nesenel Palamen i bin sindaun long mun Novemba, Oposisen Lida Don Polye i bin tingting long kamapim wanpela vot i no gat bilip na rausim Praim Minista Peter O'Neill na kamapim nupela gavman.

Long Novemba 3, Oposisen i bin givim notis bilong kirapim mosen na vot i no gat bilip egesim Praim Minista Peter O'Neill.

Ekting Palamen Spika Aide Ganasi i bin kisim dispela notis na bihain long 7-pela de Oposisen Lida Don Polye inap long muvim wanpela mosen long senisim praim minista.

Tasol dispela i no bin kamap bikos gavman i bin yusim namba long stopim sindaun bilong dispela yia na skruim sindaun bilong Palamen i go inap neks yia.

Praim Minista Peter O'Neill wantaim olgeta gavman minista na memba i bin kamapim wanpela vot i gat bilip long praim minista taim ol i harim osem Oposisen i givim notis bilong senisim praim minista.

Oi 72 memba i bin soim vot i gat bilip long praim minista. Mista O'Neill i tok Oposisen i mas putim gutpela sindaun bilong pipel i go pas bipo long ol i mekim kain kain toktok na samting long kirapim in-stabiliti long kantri.

"Gavman bilong mipela i gat gutpela trek rekot long givim sevis i go bek long ol pipel na dispela i tru tumas bikos ol planti lida bilong pipel ol memba long palamen i soim sapot long dispela gavman long larim em i wok go het.

"Mipela i wok long kamapim moa wok mani bilong ol manmeri. Mipela i wok long putim planti pikinini long skul, ol haus sik i wok long kisim fri medikol sevis, asua bilong lo na oda i wok long go daun na rot na bris bilong kantri i wok

Praim Minista Peter O'Neill (lephan) i harim Presiden bilong USA, Barack Obama, i toktok, long COP 21 bung long Paris, Frans long Disemba 1.



long kirapim," Mista O'Neill i tok.

Mista Polye i bin givim 4-pela ol as tru long Mista O'Neill i no ken kamap praim minista. Mista Polye i bin tok Mista O'Neill i mas lusim sia bilong praim minista bikos em (O'Neill);

- i brukim lo na brukim Mama Lo bilong PNG long larim em yet i stap yet long pawa;

- i wok long abrusim lo na les ong polis holim em long sampela asua lo i painimaut egesim em;

- i wok long bagarapim nem bilong opis bilong praim minista bilong dispela kantri long larim me yet stap long pawa na kisim ol benefit; na

- i no lukautim o menesim ikononi bilong dispela kantri gut.

Memba bilong Vanimo-Green, Belden Namah na Memba bilong Bulolo, Sam Basil, i bin sapotim Polye long rausim O'Neill na tupela i singautim ol narapela gavman bek bensa na minista tu long joinim Oposisen na kamapim nupela gavman.

Mista Namah i bin kamap pastaim Oposisen Lida tasol Mista Polye i bin kisim ples bilong em. Mista Basil em i Deputi Oposisen Lida.

Tupela memba i tok Oposisen i gat wanpela as tasol na em long rausim Mista O'Neill osem praim minista bilong PNG bikos em i no fit long kamap praim minista na ranim dispela kantri.

Sovren Welt Fan

PNG Sovren Welt Fan (PNG SWF) bai kamap long yia 2016. Tresera Patrick Pruaitch i tok gavman bai kirapim PNG SWF bihain long ol i kamapim nupela Ogenik Lo bilong PNG SWF.

PNG SWF em i wanpela namba wan samting. PNG SWF bai sevim mani gavman bai kisim long ol risos projek osem maining na petroleum projek.

Long yia 2015, gavman i pasim pinis wanpela Ogenik Lo long kirapim dispela SWF tasol gavman i no kamapim opis o sekretariat we ol bod ov dairektas bai sindaun long lukautim mani bilong kantri insait long SWF.

Mista Pruaitch i tok nau yumi nogat dispela sekretariat tasol

Ogenik Lo bilong kamapim sekretariat, makim ol bod memba na hao long yusim dispela mani i stap pinis.

"PNG SWF em i wanpela gutpela samting we gavman i ken lukautim ol mani bilong kantri na pipel we bai kam long ol maining, petroleum na ol arapela projek,"Mista Pruaitch i tok.

Mista Pruaitch i tok long yia 2016, gavman bai kirapim opis na ol arapela opresenal samting bilong PNGSWF.

Em i tokaut klia osem mani bilong PNG LNG Projek bai go insait long SWF bihain long yia 2020.

"Taim PNG LNG i bekim ol dinau mani ol projek patna i bin kisim long kirapim dispela projek, PNG bai kisim skel bilong en bihain long yia 2020,"em i tok

Nau yet, no gat wanpela man i save long wanem hap stret dispela mani bilong PNG LNG Projek we gavman inap long kisim long 16.6 pesen sea em i gat aninit long Kumul Petroleum.

Nesenel Baset

Gavman i bin katim K14.2088 bilien Nesenel Baset mani bilong Papua Niugini long yia 2016.

Palamen i bin tok orait long dispela baset taim 84 memba i bin wanbel na vot long soim wanbel. Tasol 12-pela memba i bin vot egesim dispela baset bikos ol i no bin wanbel.

Taim Praim Minista Peter O'Neill na ol 83 memba i wanbel long Tresera Patrick Pruaitch i kamapim dispela mani plen bilong neks yia, Oposisen Lida Don Polye wantaim arapela 12 memba i no wanbel long dispela baset.

"Mi laik tok tenkyu long Tresera Pruaitch i kamapim dispela baset na skelim mani gut long gavman sekta long larim kantri bilong yumi i muv yet maski prais bilong gol, wel na ges i go daun na tu kantri na pipel i kisim taim long El Nino,"Mista O'Neill i bin tok.

Tasol Mista Polye i bin tok, "Mipela inap long toktok moa long dispela baset tasol osem wanem na ol memba long gavman sait i hariap tru long oraitim dispela baset. Ol i no ken gijamanim pipel."

Mista Pruaitch i tok dispela baset em i sot long K2.0297 bilien o

K2.0297 bilien defisit.

Total mani gavman i bin kisim long ol binis, takis na helpim i kam long ol arapela dona ejensi na foren gavman long yia 2015 em i sanap osem K12. 1791 bilien.

Baset bilong yia 2015 em bin stap long K16 bilien tasol nau i go daun long K14 bilien bikos taim prais bilong gol, ges na wel i go daun, PNG i mekim liklik mani na em i sot long K2 bilien.

Dispela baset i katim mani na givim long ol dispela sekta; 22 Provins i kisim K3.6620 bilien, Edministresen sekta i kisim K2.5458, Helt sekta(K1.56 bilien), Edukesen sekta (K1.3 bilien), Lo na Oda Sekta (K1.24 bilien), Rot, Bris na Trensport Sekta (K1.25 bilien), Ikononik Sekta (K610 milien), SME Sekta (K61 milien), Turisim Infrastraksa (K50 milien), Ikononik na Tred Infrastraksa (K71.9 milien), Egrikalsa Komesel Ekвити Fan (K100 milien) na Ruel Empawamen aninit long DSIP na PSIP i kisim K1.2 bilien.

Namah na Mai pait long kamap gavana
Ausait long Nesenel Palamen planti samting i bin kamap. Sampela ol bikpela samting i bin kamap ausait long Palamen Haus em; Memba bilong Vanimo Green, Belden Namah, i bin tingting long kamap Gavana bilong Sandaun tasol Nesenel Kot i bin painimaut osem em i no bin bihainim stret-pela rot long kisim dispela sia bilong Sandaun provins.

Taim kot i bin painimaut osem win bilong Sandaun Gavana Amkat Mai long 2012 nesenel ileksen i kamap long stret-pela rot, kot i tokim lilektoral Komisin long ranim gen bai ileksen bilong Sandaun provin-sal sia.

Mista Namah i bin lukim osem dispela sia bilong Sandaun provin-sal i bin stap nating. Em i kirapim wanpela miting bilong provin-sal asembli na ol asembli memba i bin makim em kamap nupela gavana bilong Sandaun. Taim Mista Mai i winim bai ileksen na kisim bek Sandaun Provin-sal sia, Mista Namah i bin strong tumas osem em i stap gavana na Mista Mai i ken kamap rijnal memba bilong Sandaun.

Tupela i pulim taitim i go na bi-

hain, kot i luksave osem Mista Mai em i gavana na Namah i no bihainim lo long kamap gavana.

Kouza lusim gavman

Memba bilong Lae, Loujaya Kouza i joinim Oposisen bihain long Gavman i rausim em i go ausait long Pipol's Nesenel Kongres (PNC) Pati bilong Praim Minista Peter O'Neill.

Mis Kouza i joinim THE Pati bilong Oposisen Lida Don Polye na dispela i apim namba bilong Oposisen i go antap long 10.

Namba bilong ol memba i stap aninit long THE Pati i go antap long 5.

Deputi pati lida bilong PNC, Mao Zeming i bin tok gavman i rausim Mis Kouza bikos em i bin mekim sampela nogut toktok egesim gavman.

Arore win gen

Memba bilong Ijivitari, David Arore, i bin mekim wankain samting long rausim Oro Gavana Gary Juffa. Tasol kot i bin painimaut osem Arore i no bin bihainim stret-pela rot long kirapim mosen na kamapim vot i no gat bilip long Gavana Juffa.

Bihain kot i painimaut gen osem Mista Arore i no bin winim sia bilong Ijivitari long stret-pela rot. Kot i tokim lilektoral Komisin long kamapim bai ileksen gen long Ijivitari.

PNC Pati bilong Praim Minista O'Neill i endosim Mista Arore na em i winim gen sia bilong Ijivitari long dispela bai ileksen.

Nupela Memba bilong Goilala

Nupela Memba bilong Goilala, William Samb, i winim bai ileksen bilong Goilala Open bihain long pastaim memba i dai. Mista Samb i bin ran long ileksen aninit long Pangu Pati bilong Sam Basil.

Em i stap long Oposisen na i sanap strong long bringim senis i go long Goilala distrik.

"Mi bin sori tru long ol pipel bilong mi na mi bin sanap long ileksen. Mi win em win bilong ol pipel. Ol bai lukim planti gutpela samting i kamap long ples,"Mista Samb i tok.

Potape kamap Hela gavana

Oi lida bilong Hela i wok long mekim nem. Memba bilong Komo-Margarima, Francis Potape i rausim Gavana Anderson Agiru long wanpela provin-sal asembli miting long Tari.

Gavana Agiru i bin sik na stap long haus sik long Saina. Mista Potape i bin stap long kalabus long Bomana inap 7-pela mun olgeta bihain long kot i bin painimaut osem em i no yusim gut K300, 000 bilong distrik.

Em i kamaut na em i bungim ol provin-sal asembli memba na rausim gavana Agiru. Dispela em ol sampela bikpela samting i bin kamap long sait bilong politiksriviu long PNG long yia 2015. Neks yia tu luk osem sampela ol man bai mekim eli kempen bikos yia 2017 em i stap klostu.

Planti man bai sanap long ileksen long yia 2017. Sapos ol i mekim eli kempen neks yia, em ol brukim lo.

Hepi Nu Yia!

Manu Maket bai go we nau?

Frieda Sila Kana i raitm

TOKTOK bilong Siti Menesa bilong Nesanel Kepital Distrik, Lesley Alu tupela wik i go pinis olsem Manu Maket i no wanpela fomol maket aninit long plen bilong NCDC, i no senisim tingting bilong ol pipel husat i salim salim long maket.

Wanpela mauseri bilong ol lain i save salim pis long Manu Maket, Nancy Suke i tokim Wantok Nius olsem ol maket lain i stap tasol na lukluk na salim ol samting bilong maket yet.

“Sapos NCDC i tok olsem Manu Maket i no wanpela fomol maket orait mipela ol lain bilong maket i no gat rait long tokim NCDC long bringim ol kastoma i kam bek long maket. Tasol mi lukim olsem dispela maket i gutpela bilong ol pipel bilong Taurama Bareks na ol setelmen, ol lain long hap bilong Malaoro, Korobosea na Sabama, KilaKila i save painim isi long kam long dispela hap bikos ol i no tromoi bikpela bas fe olsem long Gordons.

“Planti lain bilong narapela kantri tu i save painim isi na seif long kam na baim pis, kuka na kumu long hia,” Mis Suke i tok.

“Dispela maket i no gat wara, no gat toilet, na wanpela praivet kontrakta i save karim pipia i go tasol ol NCD wokman i save kam na kisim maket fi long ol lain i salim samting yet. Ol i save kisim olsem 50 toea long wan wan maket man o meri long wan wan de,” Mis Suke i tok.

Olgeta lain i putim maket long Manu i save olsem i no gat ol dispela sevis na ol i save go na baim sevis bilong wanpela praivet haus long toilet na wara na baim long K2.

“NCDC i laikim ol pipel long go long ol narapela maket tasol ol i les na i stap yet. Em i laik bilong ol pipel sapos ol i no laik long muv i go long narapela hap. Mi ting olsem Malaoro em i wanpela namel ples we i gat sevis stesen, haus sik, ol stua, na ol bas stop i stap klostu.

“I gat ol pis, kuka, sel na ol kumu na gaden kaikai long wanpela hap tasol. Tasol sapos NCDC i laikim mipela muv orait em mipela no gat tok nau. Bai mipela stap tasol na lukluk.” Em i tok.

“Em i tok, ol lain bilong salim samting i fri long go long wanem hap ol i laik go long en we maket bilong ol i ken bringim moa mani. Em i samting bilong mipela wan wan olsem na mipela i no inap long askim NCDC long helpim mipela sapos mipela i no mekim mani moa bihain long TST Malaoro Supamaketa i paia. Sapos ol i wari long ol kaikai samting na ol tebol na ambrela samting bilong maket we ol i lusim long taim TST i paia em asua bilong ol yet. Ol i no ken putim ausa i go long NCDC.

Mis Suke i tok moa olsem, papa bilong Sevis Stesen long Manu Autopot, Ruben Kandi tu i save sapotim ol maket lain wantaim sekyuriti.

“Mipela i painim isi na seif bilong wanem ol boi bilong Ruben Kandi bilong Manu Autopot sevis stesen i save lukautim ples. Wanem hevi kamap em mipela i save traim long stretim mipela yet wantaim helpim bilong ol boi bilong Mista Kandi. Mis Suke i tok em i klia long wanem tingting NCDC i gat, tasol ol pipel yet i no laikim narapela hap.

“Sapos NCDC i laikim mipela long go long ol maket i stap klostu, bai mipela go long wanem maket? Mipela harim olsem NCDC bai stretim Gordons maket na ol lain long hap bai go long Boroko Maket pastaim.

Tasol Boroko maket em Gavana i tok em bilong ol Sentral provins lain tasol. Sapos olsem, bai ol narapela lain bilong hailans bai go maket long we gen? Na tu kain populesen olsem bilong Gordons maket ating bai i no inap long spes bilong Boroko maket.

“Narapela maket klostu em long Sabama. Minista Justin Tkatchenko i bin stretim gut tru maket long Sabama wantaim gutpela sekyuriti banis na ol tebol bilong maket wantaim toilet na wara i stap.

Tasol mi laik askim, watpo ol pipel bilong hap yet tu i wok long kam maket yet long manu na ol i no putim ol samting bilong ol long Sabama?” em i tok.

Mis Suke i tok long NCDC na Memba bilong Mosbi Saut i mas lukluk long wanem as na ol pipel husat i save stap long Sabama na Kaugere, Kila Kila na Joyce Bay i no save putim maket bilong ol long Sabama nupela maket. Bihain ol i ken toktok long ol maket lain i kisim ol kaikai samting bilong ol i go long Sabama. Em i tok ol pipel i laik stap long hap we ol bai seif na mekim mani.

Hevi bilong Malaoro Supamaketa i paia i mekim bikpela senis long planti bisnis husat i save wokim bisnis long Manu.

Kain olsem ol PMV bas tu nau i wok long painim hat tru long kisim ol pasindia bikos stua i no gat planti man na meri i go long maket. Planti bas i save sanap nating longpela taim na bihain ol i save ran i go na no gat pasindia.



Ol meri long pis maket bai go we nau sapos NCDC i pasim Manu Autopot maket. Nancy Suke em i meri husat i putim san glas long het bilong en na sanap long baksait.

'Tis the season to be jolly, What have you planned for this season? **Family feasts, Gifts, Travel Expenses?** Make this **season** merrier with a

BSP PERSONAL LOAN

- ✓ 100% unsecured loan
- ✓ Flexible repayment terms
- ✓ Loan up to K50,000
- ✓ Quick approval

320 1212 / 7030 1212 - 24/7
 servicebsp@bsp.com.pg
 www.bsp.com.pg

BSP

PNG Tribal Faundesesen helpim haus sik

Frieda Sila Kana i raitim WANPELA lokal NGO, PNG Tribal Faundesesen, i helpim Pot Mosbi Jeneral Haus sik, Mateniti Wing wantaim tupela bikpela samting we bai mekim ol nupela bebi long wod i pilim gut na kamap strong.

Dispela tupela samting em, liklik bet bilong mekim bebi hatim skin na narapela em poto terapi bilong helpim ol bebi i gat skin yelo long kamapim gut skin gen.

Dairekta bilong Operesen bilong PNG Tribal Faundesesen, Michelle Hau'ofa i tok Faundesesen i bin baim tripela yunit long givimaut long PNG. Wan wan bilong ol dispela yunit i kam long mani mak bilong U\$15,000 (K33,000).

Dispela bet bilong nupela bebi i no kamap long taim bilong en em ol nes na dokta inap long yusim long kirapim bek bebi sapos em i sotwin o lusim win. Em i gat skel bilong em yet tu long ol nes na dokta inap long lukim hevi bilong bebi long taim ol i putim antap long dispela bet.

Em i gat wil long lek bilong em i mekim isi long surukim i go i kam long taim bilong helpim ol sik bebi.

Jeneral Ilektrik (GE) PNG i saplaim dispela masin long PNG Tribal Faundesesen

wantaim tripela hot bet bilong ol bebi wantaim pototerapi yunit long tripela haus sik long kantri.

Ol dispela hausik em Pot Mosbi Jeneral haus sik, Wabaga Haus sik long Enga Provins na wanpela em ol i no save yet wanem hap long ol bai putim.

Traibel Faundesesen Dairekta bilong Operesens Michell Hau'ofa i tok matenel na helt bilong pikinini program bilong ol i wanpela bikpela hap bilong wok bilong ol long PNG na ol i amamas long wok bung wantaim Jeneral Ilektrik wanpela moa taim long sapotim Pot Mosbi Jeneral Haus sik.

"Pot Mosbi Jeneral haus sik i save lukim klostu 45 bebi i bon long wan wan de na planti bilong ol i save gat nid long spesel ke olsem na mipela i amamas long givim dispela hot bebi bet na wanpela pototerapi yunit," Mis Hau'ofa i tok.

Ol bos bilong GE PNG i bin luksave long dispela nid long taim bilong V Sken Pailot Program rolaut long stat bilong dispela yia na ol i soim dispela helpim long sosol developmen olsem. GE bai helpim yet Traibel Faundesesen long sapotim ol helt na edukesen sekta long PNG.

Peter Loko, Kantri Het bi-

long GE (PNG) i tok, "GE i gat strongpela tingting long wok long ol salens PNG i save gat long matenel na long ol lukaut bilong ol nupela bebi, olsem na ol kain patna olsem Tribal Faundesesen i gutpela long wok wantaim. Mipela i bilip dispela samting bai senisim sampela laip long PNG."

Alice Baira, Menesa bilong Leba Wod i tok, em i namba tu taim long Jeneral Ilektrik i givim wanpela hot bebi bet long spesel ke wod. Em i gat wanpela pinis na wantaim dispela nupela, ol bai gat tupela long serim namel long 24 bet bilong ol spesel ke pikinini.



Sanap wantaim spesel bebi woma na poto terapi masin long baksait em; (L-R) Mary Sitain – Senia Midwaif, Jennifer Pyakalya – Eria Menesa bilong Mateniti Wing, Michelle Hau'ofa – PNG Tribal Foundation Operesen Dairekta, Sista Carol Hosea, Dairekta bilong Nesing, Alice Baira, Menesa Leba Wod, Jacky Potane, Wod Spesel Projek Menesa. Poto: Nicky Bernard.

Planti blek-aut kamap long Madang

James G. Kila i raitim

MADANG taun na ol ples klostu long en I wok long bungim planti pawa blek-aut tru stat long las wiken I kam bikos bikpela ren na wara tait I bagarapim ol pawa pos namel long Madang-Ramu haiwe.

Planti ol manmeri long Madang taun na ol bisnis haus na ol gavman dipatmen i no amamas tumas long PNG Pawa Limited (PPL) bikos em i no givim

toksave pastaim long planti blekaut i wok long kamap stat long las wiken.

Ol lain long Madang taun i kros tru bikos bikpela ren long las wiken na taim blekaut i kamap em i kamapim pret long planti lain bikos ol stilman i ken yusim tutak long go brukim haus na stilim ol samting bilong ol.

Wanpela mausman bilong ol Madang taun komyuniti na foma

deputi taun meya, Chris Tomongo i tok PNG Pawa i mas givim toksave long redio o putim notis long niuspepa pastaim long ol i karimaut lod-seding o stopim pawa long sampela hap long taun na larim ol arapela hap i gat pawa.

Em i tok las wiken planti lain i no amamas long pasin PNG Pawa i wokim long no gat toksave na stopim

pawa taim sampela lain i laik redim kaikai blong femili. Dispela lod-seding em skurim i kam long Mande nait tu taim bikpela ren i pundaun.

PNG Pawa Limited (PPL) menesmen long Madang i tokaut long pablik olsem tripela pawa pos long Madang –Ramu Haiwe i bruk pundaun long Aumia na Asas taim wara i bin tait bihain long bikpela ren.

PPL i tokaut tu

olsem long nau yet ol i wok long yusim disel jenereta long 4-mega wat pawa saplai, na dispela i no inap. Olsem na ol i mas wokim lod-seding.

Long Tunde, Wantok Niuspepa i sekim opis bilong PPL long Madang we wanpela wokman i tok sampela ol teknisen bilong ol i go pinis long dispela eria, tasol bikpela wara i tait tumas na ol i no wokim wok.

RH bai sapotim Sensasip opis yet



(L-R) Mis Karen Gabby bilong Sensasip, Mista Yap Seng Bok i soim setifiket (namel long hankais) na Mista Abani (namel long hansut) i witnesim, na Jason Melchor bilong Muvi Wol i sanap.

Poto na Stori i kam long Delly Morofa bilong Sensasip Opis

OPIS bilong Sensasip i givim wanpela setifiket bilong tok tenkyu i go long Yap Seng Bok, Menesa Muvi Wol na Operesen Menesa bilong RH Hypermarket, olsem mak bilong luksave long gutpela sapot bilong en long Sensasip opis i holim wanpela Sensasip Awenes na Midia Patnasip Woksop long las mun.

Sensasip opis i bin holim dispela namba wan Sensasip Awenes na Midia Patnasip Wokshop long Mas Girls Resot, Gaire bilong putim han na wok bung wantaim ol senia ripota na ol edita bilong ol bikpela midia kampani. Dispela em

long mekim luksave long wok bilong ol na long strongim wok Poroman wantaim ol insait long wok bilong daunim ol pasin bilong ol kampani na wan wan man na meri i bringim ol piksa i no gutpela long ol pablik o long pikinini i lukim.

Bikpela tingting bilong dispela woksop em long lainim ol midia o nius wokman na meri long ol i mas kisim kliia tingting long wok bilong Opis bilong Sensasip na tu long ol i mas save long wanem em i stretpela toktok i no wansait long go long pablik bai save long en.

Mista Yap i tok tenkyu long kisim dispela setifiket long makim RH Hypermarket na i tok olsem em i gat bikpela amamas long soim gutpela pasin bilong helpim

ol narapela lain na ol wan wan man na meri husat i holim ol kain miting olsem bilong helpim tru ol pipel.

Mista Yap i tok tu olsem taim em i stap yet olsem Muvi Wol menesa, Sensasip Opis i ken tingting long holim ol kain woksop long bihain taim.

Deputi Sif Sensa, Jim Abani i tok tenkyu long Mista Yap long makim masu bilong Opis bilong Sensasip, long gutpela helpim ol i wok long givim long opis insait long yia 2015.

Muvi Wol em i wanpela nupela kampani aninit long RH Hypermarket na em i wanpela pablikesen ples we Opis bilong Sensasip i save was long en tu long wok bilong rejistresen fi bilong ol muvi na long soim ol muvi.



Word Publishing Company Ltd
P. O. Box 1962, Boroko, NCD 111, PNG. Tel: (675) 325 2500 Fax: (675) 325 2579
Email: seovo@wantok.com.pg / word@wantok.com.pg

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the WANTOK to you each week. We publish the WANTOK 52 times a year.

AIRMAIL SUBSCRIPTION RATES (includes postage & handling)
PNG K220.00, Australia/New Zealand US\$ 10.00, Asia/Pacific US\$150.00
Rest of the World US\$210.00

NCD HOME DELIVERY
K0.80t per copy or K65.00 for two or more copies & Office pickup K52.00 per year for a copy.

Please send me _____ copy/copies of WANTOK for one year.

I enclose Kina/USD _____ as full payment.

Name _____

Postal Address _____

City _____

State/Province (abbreviation) _____

Country _____ Zip/Postal Code _____


Street Address _____

Telephone _____ Fax _____

Email _____

Signed _____ Date _____

Publisher of




Niuspepa Nlong Yumi ol PNG Street
Monthly English paper

Ol bikpela samting long yia 2015

LONG yia 2015, planti bikpela samting i bin kamap long PNG. Sampela gutpela na sampela nogut. Dispela ol samting i bin kamap na mipela i bin harim na lukim pinis.

Wantok Niuspepa i glasim ol dispela samting gen. Yumi stat wantaim ol gutpela wok Memba bilong Yangoru-Sausia na Tred, Komes na Industri Minista, Richard Maru i mekim long yia 2015.

■ Maru mekim gutpela wok
Tred, Komes na Industri Minista Richard Maru mekim planti gutpela samting long yia 2015. Minista Maru i kirapim nupela lo bilong kirapim kapital maket long PNG.

Em i kamapim 3-pela nupela lo bilong kirapim kapital maket o mani maket long PNG na dispela lo em ol; Kapital Maket Act, Derivativs Maket Act na Securities Komisin Act.

Dispela ol 3-pela lo bai senisim Pot Mosbi Stok Eksens (POM-SoX) na larim moa manmeri na kampani i kirapim bisnis long PNG.

Mista Maru i bilip stong long kamapim kompetisen long balus na benk. Air Niugini tasol i wok long bosim ol balus rot insait long PNG na dispela i lukim pe bilong baim balus i stap antap tumas.

Ol komesel benk long PNG tu i wok long sasim bikpela intres ret. Mista Maru i tingting long daunim dispela tupela samting.

Em i bin wok hat long lukim kompetisen i kamap long ol intanesenel flait na dispela i lukim Filipins Airlines i kam insait long PNG.

Nau em i wok long wok hat long larim narapela balus i ran go kam long Pot Mosbi na Singapo.

Minista Maru i wok long wok hat long daunim ol hai prais bilong baim hotel rum long Pot Mosbi.

Long egrikalsa, Mista Maru i bin sainim wanpela agrimen wantaim gavman bilong Israel. Dispela bai lukim ol nupela kampani bilong Israel bai kam planim kaikai lng Sepik plain na Markham veli.

■ Sir Trawen lusim llektoral Komisin

Wanpela long taim wokman bilong gavman Sir Andrew Trawen i lusim wok long yia 2015. Kwin Elizabeth II i luksave long wok Andrew Trawen i bin mekim olsem Sif llektoral Komisina bilong PNG na em givim namba long em.

Praim Minista Peter O'Neill i bin luksave long Sir Andrew na em i tok gut bai long en. Aninit long lukluk bilong Sir Andrew, llektoral Komisin i bin kamapim nupela LPV sistem bilong vot.

■ Sir Manasupe
Narapela senia pablik sevan,



XV Pasifik Gems memori...ol manmeri i redi long lukim opening seremoni bilong Pasifik Gems.

Sir Manasupe Zurenuoc, i kisim wanpela sik ol i kolim Pakingsons disis na em bai i lusim wok long mun Februari. Sir Manasupe i bin stap Sif Seketeri bilong Gavaman tasol em i lusim wok taim em i kisim dispela sik.

Sir Manasupe em i wanpela long taim wokman bilong gavman. Kwin Elizabeth II i luksave long wok em i bin mekim long kirapim dispela kantri na kwin i givim namba long em.

■ Pot Mosbi senis
Long Pot Mosbi, planti gutpela senis i wok long kamap. Kapital siti i wok long gro bikos planti gutpela rot na haus i kirap.

Pot Mosbi sip bris bai nau stap long Motukea. Ples we olupela sip bris i bin stap bai kamap siti. Sentral Bisnis Distrik (CBD) bilong daun taun Pot Mosbi bai kamap bikpela moa.

Ol i muvim dispela sip bris long larim taun i gro go bikpela. Nem bilong dispela nupela siti em Lagatoi siti.

Nupela flai ova bris long Erima joinim Waigani na Jackson's ples balus em i wanpela gutpela divelopmen i kamap long Pot Mosbi.

Nupela rot joinim 9-Mail, Gerehu na Hanuabada em i wanpela gutpela rot projek, we dispela bai mekim Mosbi siti kamap bikpela na opim planti nupela samting.

Long Taurama, planti manmeri stret i wok long baim graun na kirapim ol nupela haus. NDC Gavana Powes Parkop i opim nupela rot projek i go long Taurama.

Dispela rot bai opim Taurama na mekim Mosbi Siti i go bikpela.

Plantu nupela haus i kirap long Pot Mosbi. MRDC nau i wok long stretim graun long kirapim wanpela nupela bikpela hotel.

MRDC i opim nupela Pearl Risot long Fiji.

■ Aropa ples balus op gen
Aropa ples balus long Buka i op

gen long dispela yia. Praim Minista Peter O'Neill na bikpela delegesen manmeri i bin go long Aropa na opim gen dispela ples balus.

Aropa i bin pas bihain long Bogenvil kraisis. Tasol Praim Minista O'Neill i laik bringim gutpela sindaun na bel isi long Bogenvil na em i opim dispela ples balus gen.

■ PNG Air
Pastaim Airlines PNG i senisim nem i go long PNG Air. PNG Air i baim pinis tupela nupela ATR balus. PNG Air i wok long isi isi rausim ol olupela balus na bai gat ATR balus tasol.

CEO bilong PNG Air, Muralee Siva, i tok as tru bilong dispela senis em long apim sefti bilong balus i go antap na sevim gut ol manmeri PNG.

MRDC na Nasfund i kamap tupela bikpela seaholda bilong PNG Air.

■ El Nino
Bikpela El Nino o bikpela san i kamap long PNG long dispela yia tasol ren istat long pundaun gen. Wara level long Sirinumumu dem i wok long isi isi i go antap bikos ren i wok long pundaun long Pot Mosbi.

Pastaim kantri i bin kisim bikpela bagarap taim bikpela san i bin draim wara. Ais i bin pundaun long Kandep long Enga Provins. Tambul long Westen Hailans Provins na long Margarima long Hela Provins.

Dispela ais i bin kukim ol gaden kaikai na bihain long en, El Nino i bin draim ol gaden kaikai.

Dispela El Nino i daunim level bilong Flai Riva na Ok Tedi Maining i pas. Ol sip i hat long kisim ol kago i go antap long Kiunga bikos level bilong wara i go daun.

Ol saveman i bin tok dispela El Nino bai kamap yet inap Epril neks yia, tasol ren i pundaun pinis.

■ KJ Bible
King Jems Vesen Buk Baibel i bin kam insait long kantri long dispela yia. Dispela buk baibel i nau stap olsem Nesenel Tresa insait long Palamen Haus. Taim dispela Palamen Spika Theo Zurenuoc i bin kisim dispela Buk Baibel i kam insait long kantri, planti manmeri i bin amamas.

Tasol sampela ol manmeri i no bin amamas. Sampela ol sios lida i bin sapotim Mista Zurenuoc long kisim dispela buk i kam insait long PNG.

Tasol sampela ol sios lida i no bin amamas long dispela pasin. Ol lidaman bilong kantri tu i no bin wanbel long Mista Zurenuoc i rausim ol kaving na putim dispela Buk Baibel long Palamen.

Gren Sif Sir Michael Somare i no bin amamas long Palamen Spika taim em bin rausim ol kaving na putim dispela Buk Baibel i go insait long Palamen Haus.

■ Pasifik Gems
XV Pasifik Gems em i bin wanpela gutpela taim we planti ol manmeri husat i bin kam lukim bai hat long lus tingting. Moa long 4000 manmeri bilong pilai ol kain kain gems i bin kam long 24 kantri insait long Pasifik ailan.

Australia na Nu Silan i bin salim tim bilong tupela i kam tu long dispela gems. Gavman i bin yusim bikpela mani long kirapim ol samting bilong pilai na tu long stretim gems viles.

Pikinini man bilong Kwin Elizabeth II, Prince Andrew, i bin kam opim dispela gems. Praim Minista Peter O'Neill i bin amamas long lukim olsem dispela gems i bin kamap gut tru.

Bihain long tupela wik, ol manmeri i kam long ol narapela kantri i bin go bek long ples bilong ol yet. Sampela i bin tingting long stap bek gen long PNG.

Tim PNG i bin kisim planti gol

medal na i bin winim dispela gems.

■ Spoting fesiliti kirap
Plantu ol fil na ol samting bilong pilai long Pot Mosbi tasol i kirap bihainim XV Pasifik Gems long Pot Mosbi. Sir John Guise Stadium em i senis gut tru stret tasol i luk olsem ol i no pinisim gut tru.

Sampela ol ol aien bilong sapotim sia we ol manmeri bai sindaun, i stap yet. Sir Hubert Murray Stadium long Kone tu i no pinis yet. Dispela Stadium bai holim FIFA Wimens Anda 20 Wol Kap neks yia.

Taurama Akwatik Senta, Rita Flin Netbol kots na Bisini soka graun i stap gut tru stret. Tasol Lloyd Robson Oval (o PRL) i no pinis yet.

Ol arapela spoting fesiliti i stap gut tasol ol sampela wok manmeri bilong Lens Dipatmen i wok long mekim pasin korapsen long salim ol graun o fil olsem Jack Pidik Pak, Unangi Oval, Kone Tigers na sampela ol fil we ol manmeri i save trening.

■ Manus Refiuji
PNG Gavman i tok orait pinis long wanpela nupela polisi long larim ol dispela asailum sika manmeri i stap olgeta long hia. Nem bilong dispela nupela polisi em i Nesenel Refiuji Polisi.

Dispela polisi bai larim ol refiuji manmeri i stap long PNG. PNG bai kamap nupela ples bilong ol.

Gavman bai helpim na sapotim ol dispela refiuji long painim wok, painim haus na stap long PNG.

Minista bilong Imaigresen na Boda Proteksen bilong Australia, Peter Dutton i bin amamas tru taim em i bin harim olsem PNG Gavman i wanbel long wokbung wantaim Gavman bilong Australia na larim ol dispela asailum sika o refiuji manmeri i stap long PNG.

Mista Dutton i mekim dispela toktok long Oktoba 23 dispela yia.

Em i tok Gavman bilong Australia i amamas long harim olsem Gavman bilong PNG i wanbel pinis long larim ol asailum sika o refiuji manmeri i stap long PNG.

Gavman bilong PNG i tok orait pinis long larim ol asailum sika manmeri long stap long PNG sapos ol i painimaut olsem ol i refiuji tru.

Dispela polisi bai larim ol manmeri husat i refiuji tru tru long stap olgeta long PNG aninit long Rijnal Risetelmen Arensman (RRA).

Aninit long RRA, ol asailum sika manmeri husat i kam long PNG, na husat PNG gavman i painimaut olsem ol i tru tru refiuji, bai stap long PNG. No gat wanpela refiuji manmeri bai stap long Australia.

Dispela em ol sampela bikpela samting i bin kamap long PNG long yia 2015.

Polis operesen i stat pinis

SPESEL sekyuriti operesen bilong Polis long stopim krait o ol raskol pasin, ol kar eksiden na ol pait i kirap long bia stap na go het long dispela taim.

Ekting Deputi Polis Komisina na Sif bilong Polis Operesen Jim An-

draws i tok ol komanda long kantri i kisim daireksen long karim aut spesel sekyuriti operesen bilong ol long wan wan provins bilong ol long luksave olsem Krismas na Nu Yia selebresen i kamap gut.

Oi polis i wokim patrol bilong

wokabaut na sekim ol trefik long ol geta taun long kantri. Ol i stopim bia tu long dring na draiv we i save kamapim hevi long rot long Krismas na Nu Yia taim.

Mista Andrews i tok ol polis bai sekim na holim ol pipel i brukim lo

na salim bia long ol liklik hap taun, ol viles na ol setlemen long kantri. Polis Sif i tok husat i dring spak na i bikhet long pablik hap bai ol i kalabusim em.

Em i tok ol polis bai bihainim lo long karim aut wok long lukautim

pablik sefti na sekyuriti bilong ol pipel.

Em i tok Krismas i makim de we Jisas Krai i bin bon, na olsem Krismas kantri, PNG i mas lusim ol wait pati na pasin bilong dring bia, na go lotu wantaim ol famili.

Komisina Baki i no wanbel long piksa

POLIS Komisina Gari Baki i wari long dispela piksa ol i salim long ol sosol midia na Facebook i soim wanpela meri ol polis i fosim em long kaikai kondom na daunim.

Komisina Baki i mekim dispela toktokbihain long sampela polis i fosim wanpela yangpela meri long kaikai kondom na daunim insait long polis stesin.

Komisina i no wanbel long dispela pasin nogut i kamap na em i askim dispela meri long kam na helpim ol intenel investigeta long painimaut husat i mekim dispela pasin nogut long em.

Komisina i tok pes bilong husat i wokim dispela nogut pasin i no kamap tasol em i lukim klia olsem dispela krait i kamap insait long wanpela polis stesin.

Em i save olsem man i fosim dispela meri long kaikai kondom na daunim ol i ken painimaut em nek bilong husat.


Komisina Baki i tok sapos ol i painim dispela polis i mekim dispela nogut pasin bai ol i rausim em long konstabluri na sasim em long long kriminel sas na kisim em go long kot.

Em i tok olsem konstabluri i kamapim lo olsem husat polis i mekim wanpela krait bai ol i mas ripotim.

Oi i mas rejista long kain komplek wantaim Dairekta bilong Intenel Afes long Konedobu o salim go stret long opis bilong Komisina long Polis Hetkwata.

Em i tok moa olsem senia menesmen bilong Polis i wok long rausim korapsen, ol polis abius na ol nogut pasin.

'Mipela i no inap long lusim kain krait, mi laikim olgeta memba bilong pablik husat i kisim bagarap long kain krait na abius i mas ripot long pablik komplek seksen bilong polis. Dispela bai helpim mipela i ken mekim save long husat i mekim olsem long edministretiv na kriminel sait,' Komisina Baki i tok. Em i tok ol polis i no stap antap long lo na sapos ol i brukim lo, bai ol i go long kot wankain olsem ol narapela pipel bilong dispela kantri.



Komisina Gary Baki i toktok long ol nupela polis rikrut insait long nupela haus kaikai bilong ol.

Komisina Baki i opim nupela haus bilong kaikai

KOMISINA bilong Polis, Gari Baki, i opim nupela Rikrut Trening mes o haus bilong kaikai long Bomana polis kolis las wik.

Dispela kaikai haus ol i stretim aninit long Australia-PNG Polising Patnasip Program we ol i putim ol nupela fasiiti long

laik bilong Komisina Baki.

Olpela kaikai haus ol i mekim long 1960s i bin bagarap bikos i ol i no bin stretim long ol yia i go pinis.

Komisina Baki i tok long stretim dispela kaikai haus ol bai putim ol nupela tail, penim gen na putim gen nupela hap

bilong win long go aut na nupela rikrut na ol woklain long Bomana Polis Kolis i ken gat gutpela ples bilong kaikai long en.

Oi i bin putim ol nupela fasiiti bilong kuk long haus kuk bai i helpim ol lain bilong kuk long ol wok bilong ol.

Mista Baki i tok AFP aninit long Australia-PNG Polising Patnasip program i givim mani long dispela.

Olsem sain bilong rispek, luksave na gutpela pasin we ol sinia opisa i bin skelim kaikai bilong ol nupela rikrut long taim bilong opim dispela nupela kaikai haus.

Swiming pul bilong Polis Kolis i op

POLIS Komanda bilong Australia Federel Polis (AFP), Alan Scott i stretim olpela swiming pul long Polis Kolis long Bomana long kamapim nupela gen.

Oi i opim dispela swiming pul long Boksing De na i bin wanpela bikpela samting long Konstabluri.

Komisina Baki i opim dispela swiming pul na em i amamas long AFP aninit long lidasip bilong Alan Scott long givim mani long stretim dispela swiming pul.

Komisina Baki i tok, 'Dispela pul i bin wanpela naispela ples tru long bipo.'

'Laspela taim mi bin yusim dispela pul em long 1996 na mi no save kam bek gen long hia inap nau na mi amamas tru long lukim nupela pul,' Komisina Baki i tok.

Long wankain taim, Komanda Scott i tok, 'Bai ol nupela rikrut i yusim long rileks na bilong trening tu.'

Em i tok swim em i wanpela bikpela hap bilong trening long Bomana Kolis tasol ol i no save mekim bikos i no gat gutpela fasiiti na dispela nupela pul bai apim standet bilong trening long Bomana Polis Kolis.

Komanda Scott i tok dispela swiming pul em i las wok bilong em long PNG na bai em i go bek long Australia neks wik.



Komisina Baki, Komanda Scott na ol narapela bikman bilong Royal Papua Niugini Konstabluri i traime nupela swiming pul.

Komiti bai makim Sif Ombudsman long nupela yia

Aja Potabe i raitim

PRAIM Minista Peter O'Neill i tok Ombudsman Apoinmen Komiti bai makim nupela Sif Ombudsman long nupela yia.

Mista O'Neill i mekim dispela toktok bihain long Oposisen Lida Don Polye i askim em long disingautim wanpela miting hariap bilong Ombudsman Apoinmen Komiti long makim nupela Sif Ombudsman.

Sif Ombudsman Rigo Lua i toksave pinis long gavman olsem em bai lusim wok long Januari 6, 2016.

Dispela miting o bung bai makim nupela Sif Ombudsman long kisim ples bilong Mista Lua.

"Ombudsman Apoinmen Komiti bai bung long nupela yia na makim nupela Sif Ombudsman bilong PNG. Oposisen lida i save gut tru long dispela," Mista O'Neill i tok.

Mista O'Neill i tok ol inap long makim nupela Sif Ombudsman tasol ol narapela komiti memba i no bin kam long dispela miting na ol i wanbel long bung gen long Januari 2016 na makim nupela man.

Mista O'Neill i tok pasin politiks i no ken kamap insait long dispela apoimen proses bilong nupela Sif Ombudsman.

"Em i no stret taim Oposisen lida i wok long bagarapim dispela stretpela rot bilong makim nupela Sif Ombudsman.

"Oposisen Lida i noken yusim netwok bilong em long giamanim ol nius manmeri," Mista O'Neill i tok.

Ombudsman Komisnin i save mekim namba wan wok tru long sekim sapos ol lida bilong kantri i brukim lo o no gat.

Dispela lo bilong ol lida em ol kolim Lidasp Kod.

Ombudsman apoinmen komiti i save gat 5-pela man. Praim Minista (Peter O'Neill) bilong PNG em i siaman bilong dispela komiti husat i save makim nupela sif ombudsman.

Oi narapela memba bilong dispela komiti em ol, Oposisen Lida (Don Polye), Sif Jastis (Sir Salamo Injia), Siaman bilong Pemenen Palamentri Apoinmens Komiti (Memba bilong Koroba-Kopiago, Philip Undialu) na Siaman bilong Pablik Sevis Komisnin (Dokta Philip Kereme).

Las wik, Mista Polye i soim wanpela pas em i bin raitim i go long dispela ol man o ol memba bilong Ombudsman Apoinmen Komiti.

Em i givim kopi bilong dispela pas i go long Transperensi Intansensel PNG, Ombudsman Komisnin na olgeta midia ogenesisen o ol nius kampani.

Ol risal bilong gret 10 i kam aut



Noel Koimb (raithan) i sekim nem bilong em long lista long Fincorp haus wantaim McJames Neap (lephan). Nicky Bernard

Esther Bralyn Wani i raitim

OLSEM 59, 200 gret 10 sumatin long kantri i mekim eksam o tes bilong ol long Oktoba 12 inap long 16 i ken lukim wanem skul bai ol i go long en o bai ol i no inap gat sans long go het bihain long mekim gret 10.

Dipatmen bilong Edukesen i putim aut ol nem lista long fran long

Fincorp haus las wik we nau i pulim planti manmeri na ol sumatin long go sekim nem bilong ol, o long ol pikinini bilong ol.

Noel Koimb, husat i mekim gret 10 bilong em long Minj Sekenderi skul i kam holide long Pot Mosbi i gat sans long go sekim nem bilong em long Fincorp haus.

'Mi amamas long lukim nem bilong mi i

stap long lista long go het long skul. Bai mi go het long mekim gret 11 long Minj Sekenderi skul,' Noel i amamas na i tok.

Long wankain taim, papa bilong Felix Murota, husat i tisa long Yonki Praimeri i kam long Pot Mosbi long lukim nem bilong pikinini man bilong em, Bob Murota tasol nem bilong em i no stap.

Mista Murota i tok, 'Pikinini man bilong mi i

save mekim gut long ol intanel mak bilong em tasol nem bilong em i no stap long go het long gret 11. Mi no wanbel long wanem as dispela i kamap olsem.'

Sampela ol sumatin i amamas long lukim nem bilong ol i stap long lista tasol sampela i no wanbel bikos ol i ting ol i bin mekim gut, tasol nem bilong ol i no stap long skruim skul bilong ol i go long gret 11.

Ol nupela klasrum i kamap bikos long TFF

Esther Bralyn Wani i raitim

PLANTI senis i kamap insait long edukesen long sait bilong ol infrastraksa long Papua Niugini. Dispela i lukim planti nupela bilding olsem ol klasrum, laibreri na ol planti samting we skul bai i kisim helpim long en.

Insait long kantri planti nupela klasrum i kamap bikos long Tuisen Fri Fi Polisi (TFF) i pulim planti sumatin. TFF i givim sans long olgeta pikinini long skul.

Namba bilong ol pikinini i planti tru insait long wanpela klasrum olsem 60-70 sumatin we

i mekim Edukesen Dipatmen o wan wan memba bilong ol ples long bildim ol nupela klasrum.

Sampela ol klasrum ol i wokim wantaim helpim bilong Australia gavman olsem long Kila Kila Sekenderi skul, Kaugere Praimeri na planti moa insait long ol narapela provins.

Namba wan Seketeri bilong Edukesen long Australia, Kate Fuller i bin tok long opening bilong klasrum long Kaugere olsem, 'Gutpela helt, gutpela fasiliti na gutpela, na infrastraksa em i bikpela samting long kamapim gutpela samting.'

Mis Fuller i tok em i

save olsem gutpela fasiliti olsem toilet na klasrum i save mekim ol pikinini i laik long go long skul na dispela bai i kamapim ol gutpela manmeri long bihain.

Long wankain taim, Minista bilong Tred, Komes na Indastri, Richard Maru, i tok sapos ol Yangoru-Sausisia distrik long Is Sepik provins i laik kamap namba wan ol i mas stap namba wan long akademik standet, gat gutpela tisa, namba wan fasiliti na gutpela en-vairomen.

Minista Maru i tok ol gutpela klasrum na en-vairomen i seif bai pulim ol gutpela tisa i ken givim gutpela sevis long ol komyuniti.



Minista bilong Spots na Ivents, Justin Tkatchenko, Namba wan Seketeri bilong Edukesen long Australia, Kate Fuller, i sanap fran long nupela klasrum bilong Kaugere Praimeri skul wantaim ol sumatin.

PNG i laikim UNESCO long putim e-lainim long wok program

PAPUA Niugini i laikim UNESCO long putim e-lening olsem hap bilong Edukesen bilong Olgeta (EFA) streteji o plen long wok program bilong Smol Ailan Developing Stets (SIDS).

Long taim bilong jenerel dibet long namba 38 bung bilong UNESCO long las mun long Peris, Ambaseda Joshua Kalinoe husat i save makim PNG long UNESCO i tok aut long ol bikpela wok bilong en inap long taim em i stat olsem 70 yia i go pinis.

Ambaseda Kalinoe i tok aut long ol bilip bilong en long gavman bilong PNG long go het long karim aut ol gutpela wok bilong ol antap

long ol salens bilong ol.

'Papua Niugini i laik lukim tu olsem Eksen Plen ol i toktok long en bai ol rot bilong salim go aut i kamap gut we edukesen i ken go aut long olgeta pikinini na ol komyuniti long ol bus hap bilong ol SID memba kantri, na PNG tu.'

'Mipela i bilip olsem yusim ol nupela teknoloji long e-lening em i gutpela rot tru bilong karim aut wok long kain taim olsem,' Ambaseda Kalinoe i tok long Jenerel Konprens.

Ambaseda Kalinoe i tok ol kantri i lukim ol bagarap i kamap long klaimet senis we ol liklik developing kantri i kisim

bagarap bikos ol i no gat strong.

Em i tok UN Sas-tenebel Developmen Gol i givim ol tingting long lukim ol mak bilong nesenel progres, mekim strong nupela, stretim ol streteji o plen na go het long ol rot bilong developmen.

Ambaseda Kalinoe i tok PNG i statim dispela wok pinis, long karim aut ol edukesen sevis. Dispela Edukesen bilong Olgeta (EFA) streteji aninit long Millennium Developmen Gol bai ol i lukim gen na putim long Gol namba 4 bilong SDG we polisi bilong fri edukesen i go het.

EVERY HERO NEEDS A MAMA FLAME

Mothers know it all starts with a full stomach. That's what gives their families the Strength & Energy to win.

Flame Plain Flour **Flame Self Raising Flour** **Flame Wholemeal Plain Flour**

Flame
STRENGTH & ENERGY

Tubekulosis i bikpela yet long kantri



Edin Banak, Dulcie Masoai, Sylvester Kerehana sanap ausait long Medikol Fekalti Edmin blok long Taurama Kempas. *Wantok Fail foto*

TUBEKULOSIS o sik TB em i stap bikpela yet long ol hotspot olsem Westen Provins, Nesenel Kepital na Galp Provins. Wantok Niuspepa i bin ranim planti stori bilong dispela hevi bilong helt wantaim ol toktok na stori bilong hevi na gutpela wok kamap wantaim we gavman bilong Australia na ol narapela Non-gavman ogenaísesen i mekim long strongim wok bilong helt dipatmen long daunim dispela hevi bilong sik TB long kantri. Bikpela luksave we yumi ken lukim em long ol

pipel i nidim moa edukesen na toksave long wei bilong lukautim ol yet long taim ol i kisim dispela sik. Narapela bikpela samting long daunim dispela hevi tu em long ol famili na ol helt wok volandia i mas wok bung wantaim ol lain husat i kisim sik TB long ol i mas kaikai gut na dring marasin saplai bilong ol gut. Long dispela wei ol bai kilim binatang long bodi bilong ol insait long 6-pela mun tasol na tu ol bai i no ken salim i go long ol narapela famili, wantok na ol narapela lain klostu long ol. Antap long dispela

planti toktok bilong ol patna we mipela i bin pablisim em long gavman i mas putim moa mani long wokim awenes na tu long sapatim ol volandia Poroman bilong strongim ol siklain long kisim gut marasin bilong ol. Antap long dispela em bikpela birua i stap nau long Nesenel Kepital na moa long Westen Provins long narapela level bilong sik TB we ol i kolim long MDR – TB i stap na em inap long kilim ol man bikos dispela mak bilong sik TB em i no moa save surik wantaim strong bilong ol marasin bilong TB.

Helt bilong PNG long 2015

PLANTI bikpela wok i bin kamap long kantri long sait bilong helt sekta na long wok bilong helt dipatmen long kantri, insait long dispela yia 2015. Taslol bai yumi lukluk long wanem ol samting we Wantok Niuspepa i bin putim aut long pepa long olgeta pipel bai ritim na save long en. Long stat bilong medikal skul yia, Wantok Niuspepa i bin ranim wanpela stori bilong ol helt woka

olsem nes na narapela teknikal wokman na wokmeri husat i bin kisim skolasip bilong AusAID long wokim moa skul bilong go bek long ol provins bilong ol yet na mekim gutpela wok moa. Tripela bilong ol dispela lain em i bilong Atonomas Rijon bilong Bogenvil we *Wantok Nius* ripota i bin toktok wantaim ol taim ol i bin wok long wet long rejista long Yunivesiti bilong Papua Niugini, Medikol Fekalti long Taurama, Pot Mosbi.

Dulcie Masoai wanpela rejista nes opisa long Buka Jeneral Haus sik wantaim wanwok bilong en, Edin Banak i bin kam long Pot Mosbi long kisim moa skul Ekiut Kea, Peri Operativ Tieta Nes insait long Medikol Fekalti na rejista long kisim kos bilong Ekiut Kea, Peri Operativ Tieta Nes Narapela sumatin helt wok bilong Buka Jeneral Haus Sik em, Sylvester Kerehana. Narapela sumatin helt woka bilong Buka

Jeneral Haus Sik em, Sylvester Kerehana. Mista Kerehana bai wokim Diploma long Anestetik Saiens em i 1 yia kos. Krehana em i kam long self spons na em i baim pinis K2,000 bilong K12,000 tuisen bilong em long rejista. Tasol long taim *Wantok Nius* ripota i bin bungim em, em i wet long Rijonal memba bilong Bogenvil Joseph Lera long baim narapela K10,000 na bai em i kisim pul rejista.

PIH wantaim Operesen bilong HOP



Monte Aua wantaim papa bilong em bihain long ol i somapim maus bilong em pinis long PIH haus sik. Tupela sindaun wantaim volandia Imejensi Rum dokta, Luke Healy. *Wantok Fail foto.*

NAMBA WAN tingting bilong olgeta manmeri long graun em long pes bilong ol i mas gat gutpela lukluk na smail bilong ol i mas naispela long soim gutpela tit, maski sapos sampela samting i kamap long pes bilong ol long mekim ol i no luk nais tumas. I gat wanpela kain sik we i save kamap long planti pikinini long graun we ol medikal toksave i tok olsem samting olsem namel long 700 bebi i save kamap, wanpela bilong ol i save gat bruk long maus ol long nek paip bilong ol long insait long ausait long pes bilong ol. Dispela i save mekim pes bilong ol i luk nogut na tu sapos nek paip i op em ol i no inap long toktok gut na tu kaikai bai i no save go gut long nek paip. Wanpela stori Wantok Niuspepa i bin ranim aninit long pes bilong PIH

(Pasifik Intenesenel Haus sik) em i tok olsem ating bai i gat olsem 300 beb long PNG i save bon long olgeta wan wan yia inap kisim dispela kain sik. Tasol wanpela gutpela lain ol kolim ol yet long Operesen Hop bilong Yunaitet Stets bilong Amerika i bin kam patna wantaim PIH long las yia yet em ol i kam bek namba 2 taim long dispela yia na ol i givim fri operesen long ol 38 pikinini. Na dispela wok ino inap kamap sapos o gutpela sponsa o l s e m Bougainville Copper Limited, Brian Bell, Rimbunan Hijau (RH), Airlines PNG, na Ken Fairweather Memba bilong Sumkar long Madang. Bikpela samting em olgeta dispela operesen em i no gat kos go long ol papa na mama bilong ol pikinini.

HIV/AIDS bai pinis olgeta long yia 2030

WANPELA bikpela samting i bin kamap long dispela yia we mipela i bin rait long em tu em long wanpela toktok i kamaut long taim klostu long Disemba Wol AIDS de olsem ol kantri long Esia-Pasifik i gat strongpela tingting long pinisim binatang bilong HIV long em bai no ken go moa long narapela nupela lain taim graun i kisim yia 2030.



Sampela ektiviti long Wol AIDS De Desemba 1. *Wantok fail foto.*

SEKETERI Jeneral bilong Yunaitet Nesens (UN) Ban Ki-Moon i tok dispela yia i gat nupela tingting bilong Wol AIDS De. Mista Ban Ki-Moon i amamas long ol strongpela lain bilong edvokasi long sanap strong, na tu, long strongpela wok bilong ol helt wokman na meri wantaim ol strongpela lain i sanap baksait long ol human rait na long strongpela tingting bilong olgeta lain husat i bungim han long pait long pinisim sik AIDS long wol. Ol wol lida i wanbel olgeta na pasim tok long pinisim AIDS epidemik taim yia 2030 i kamap, na em olsem hap bilong strongim Sastenebel Developmen Gol ol i kisim long mun

Septemba. Dispela komitmen i soim pasin bilong bungim han na sanap strong wantaim, long daunim wanpela kain sik no gut bilong bagarapim pipel. Em i wanpela bikpela kain wok bung insait long histori bilong tude. "I gat planti samting yumi bai lainim long kain wok bilong daunim kain long sanap long nem bilong saiens, human rait na long strongim ol lain husat i stap wantaim binatang bilong HIV. Yumi mas givim moa ol skul long ol liklik pikinini meri na ol yangpela meri na givim ol trupela samting bilong lukautim ol yet na ol i no ken kisim HIV. Na yumi mas givim ol ki populesen wantaim gutpela sevis wantaim gutpela tingting

na rispek. "Wan wan pikinini i no ken kisim HIV long ol mama bilong ol husat bai stap wantaim gutpela laip. Wok bilong pinisim AIDS long wol em i mas kamap long mekim olgeta wan wan meri na pikinini insait long wanpela jeneresen stap helti. "Sapos yumi hariap long kisim ol taget o mak em bai stopim nupela man long kisim binatang na kamapim dai long AIDS na HIV na long pinisim tru pasin bilong stigma na diskriminesen.

Tasol long PNG stori i no go gut tumas bikos Nesenel AIDS Kaunsil i no gat mani long mekim wok. Baset bilong ol i go insait long Helt Dipatmen na taim ol i brukim baset NACS i no kisim inap mani long wokim bikpela Wol Helt De selebresen o long wokim edvokasi. Ating gavman i mas baset gut bihain ol kain plen bilong rijon long pinisim tru wanpela kain sik no gut olsem, moa mani yet i mas go insait long wok bilong edvokasi na tritmen.

Long brukim rot bilong

PIH blesing bilong Krismas de



Yut, Meri na Famili
Pastor
Barbara Lunge

Meri gat stretpela pasin i gat bikpela wok

MERI em i spesel na i no gat narapela man bai mekim wok bilong em.

Insait long baibel, Buk Stat i kolim meri olsem em i bilong helpim man, long em bai stap amamas wantaim em long laip.

Insait long dispela toktok nau bai yumi painimaut long sampela kain meri husat i win long sevim wanpela man olgeta pipel bilong kantri bilong ol.

Yumi statim stori wantaim meri nem bilong em Esther. Taim King bilong Persia i wok long painim wanpela nupela kwin, dispela meri i bin stap! Em i wanpela bilong ol Juda lain tasol em i bin go insait long wanpela resis bilong soim wanem meri i luk nais tumas long ai bilong king na em i win. Em i kamap kwin na kisim ples bilong kwin Vashti. King i bin rausim Kwin Vashti taim em i bin les long bihainim tok bilong king na danis wantaim hap klos tasol, long ai bilong ol pren bilong king taim ol i dring i stap.

Long dispela i bin gat wanpela plen bilong kilim na pinisim olgeta Juda lain na kandre bilong Esther, Mordecai i askim Esther long pasim dispela rot. Long wankain taim em i luksave olsem God bai stap yet wantaim ol pipel bilong em, maskim Esther i mekim wanem samting, God bai i no inap long larim ol i bagarapim ol pipel bilong em.

“Sapos yu pasim maus long dispela taim nau, orait narapela samting bai kamap long helpim yumi. Tasol yu bai i dai na ol lain famili bilong yu bai i pinis tru. Tasol yumi no save, ating yu kamap kwin pinis bilong helpim yumi Juda long dispela taim nogut.” (Esta 4:14.)

Em i askim ol pipel long lusim kaikai long tripela de na pre wantaim em long God bai marimari long em taim em i go askim king long sevim ol pipel bilong em.

“Na king i tok, ‘Kwin Esta, yu laikim wanem? Sapos yu laik bai mi givim yu bikpela samting inap olsem hap kantri bilong mi, orait bai mi givim yu.’” (Esta 5:3).

Kainkain samting i kamap long soim olsem God i mekim wok i stap. Mordecai i kisim luksave tu. “Long dispela nait yet king i no inap slip.

Olsem na em i tokim ol long bringim dispela buk ol i save riatim tok bilong olgeta samting i bin kamap long kantri bilong en, na bai ol i ritim sampela tok long em. ..Na yu mas makim wanpela bilong ol namba wan ofisa bilong yu, bai em i bilasim dispela man long klos bilong yu.

Na dispela man i mas sindaun long hos na ofisa i mas bringim em i go long bikpela ples bung bilong taun. Orait taim tupela i go, dispela ofisa i mas singaut olsem, ‘Lukim dispela man, King i givim biknem long em. Lukim gutpela pasin king i mekim long em.’” (Esta 6:1,9).

Esta i askim king long sevim ol Juda long wanem Haman i bin tok long kilim na pinisim ol. “Na Kwin Esta i bekim tok olsem, King, sapos yu laikim mi tru, na yu laikim mekim gut long mi, yu ken mekim olsem. Mi no laik bai mi wantaim ol manmeri bilong mi i mas i dai....

Olsem na ol i hangamapim Haman long dispela pos em i bin sanapim bilong hangamapim Mordekai. Ol i mekim pinis na belhat bilong king i pinis” (Esta 7:3,10).’

Askim bilong Esta i karim kaikai na, em ol i hangamapim birua bilong Juda, Haman long ples we em i bin wokim bilong kilim ol Juda.

Tupela bikpela blesing i kamap em long Mordecai i kisim promosen long kisim wok bilong Haman na narapela em long signet ring olsem mak bilong atoriti na pawa. Ring i soim mak bilong atoriti bilong ikonomi na fainens pawa we ol sios na ol Kristen i gat.

Las tru ol i wokim narapela lo long bekim bek plen bilong birua bilong ol Juda lain.

Mi bilip strong tru olsem taim yumi stat long wok bung wantaim ol lida bilong sios na gavman ofisal long lukautim gut kantri bilong yumi long ol ausait lain i no ken kam insait, bai yumi lukim tru blesing bilong God.

Long kisim bek ol risos na pipel i go long God yumi Kristen i mas lusim kaikai na pre na krai long God long bringim yumi go bek long stat bilong yumi.

KRISMAS de em i gutpela taim bilong givim ol presen bikos long dispela de olgeta pipel i tingim namba wan presen i kam long God Papa long heven em long wapela pikinini man bilong kisim bek olgeta manmeri bilong sin.

Olsem na sapos i gat wanpela presen we Joe na Mimi Willie bai laikim long krismas de, ating em bai i no inap long winim dispela presen we tupela i kisim long de 25 bilong Desember, 2015. Dispela presen em bebi Yoseph Hendrix Samuel husat i bin kamap long Krismas de stret long Pasifik Intenesenel Haus sik long Pot Mosbi.

Bebi Yoseph em i namba wan pikinini bilong Mimi Herminah Murray bilong Sepik na Joe Willie bilong Manus na em i bin gat 3.3 kilogram taim em i bin bon.

Dispela pikinini man em i spesel bikos mama i karim em 9-pela yia bihain long marit bilong mama na papa bilong em.

Mimi i bin gat bel tupela taim pinis tasol bebi i bin bagarap long bel olsem na



Papa Joe Willie wantaim mama Mimi Herminah Murray holim bebi Yoseph Hendrix Samuel insait long PIH haus sik bihain long em i kamaut long NICU rum.
Poto: PIH Marketing.

bihain long 9-pela yia em i kisim dispela pikinini man em i wanpela nambawan presen tru.

Bebi Yoseph em i spesel moa yet bikos nem bilong em i wankain tu olsem Dokta Joseph, husat i helpim mama bilong em long taim bilong karim tu.

Moa yet long en, mama i painim hat long karim na ol i katim bel bilong em

long kisim bebi na bihain ol i putim bebi long NICU em em i ples bilong holim ol bebi taim em i gat sampela hevi o mama i gat sampela hevi. Bihain ol i givim bek long mama bilong em taim em i orait.

Insait long wanpela video piksa we ol Marketing lain bilong Pasifik Intenesenel i bin kisim, Joe na Mimi Willie i tok olsem tu-

pela i bin go lukim sampela haus sik pastaim long ol i pasim tingting long go long PIH.

Taim tupela i bin stap long Adelaide long tupela yia ol i bin lukim olsem wok bilong ol haus sik long hap em i gutpela moa.

Na wankain pasin tupela i lukim insait long PIH long sait bilong heltkeas olsem na tupela i go long PIH long kisim namba wan

bebi bilong tupela.

Papa i lukim olsem ol wokman na wokmeri bilong haus sik i gat gutpela pasin long soim ol siklain na i gat bikpela spes insait long haus sik na ples i klin moa. Na i no dispela tasol, ol dokta i gat moa save long wok bilong ol.

Ol i lukim olsem kos bilong en i no antap tumas olsem ol pren i bin tokim tupela.

Ol meri i lukim sampela senis long dispela yia

Esther Bralyn Wani i raitim

JENDA Bes Vailens (GBV) i wok long kamap wanpela bikpela hevi insait long ol komuniti long Papua Niugini. Tasol sampela ol pipel na ol ogenaiesen i toktok strong long daunim dispela hevi.

GBV, Seksual Vailens, Vailens Egens Wimen olgeta em ol hevi i kamap long ol meri na sampela man we i stopim rait bilong ol olsem ol manmeri.

Sampela bilong ol meri i traum long stopim kain pasin i kamap long ol na ol i kilim man bilong ol i dai, na bai stap laip kalabus bikos ol i laik helpim ol yet. Sampela meri i kisim bagarap long seksual vailens we i kilim dai tingting bilong ol na ol i pilim olsem ol i nogat hop moa. Sampela meri i pret long vailens long laip bilong ol na go het long pilim ol dispela.

Ol meri i nogat strong long helpim ol yet na pikinini bilong ol long fainensel sait we ol i stap yet long kain rilesensip. O sampela i pilim olsem man bilong ol i baim ol long braidprais long wanem bai ol i kamap olsem wanpela samting bilong man tasol na stap o ting sapos ol i lusim man bai nem bilong ol na komuniti bilong em i bagarap.

Tasol, sampela meri i painim rot long kam aut long kain hevi we ol i stap long ol Seif Haus o painim rot long helpim ol yet. Konsaltiv Implementesin na Monitoring Kaunsil (CMIC) aninit long Famili na Seksual Vailens Eksen Komiti (FSVAC) i wok bung wantaim ol Polis yunit long helpim ol meri i baling kain hevi.

Dispela i soim olsem sampela kantri, ogenaiesen na ol pipel i wok bung long sapotim dispela eksen long stopim vailens egensim ol meri.
1-TOK Kaunselin Helpim Lain



Ol bikmeri long UN Wimen wantaim ol woklain bilong Ginigoada Bisnis Developmen Faundesin i bin selebretim wanpela yia bilong Meri Seif Bas. Dispela em wanpela rot long abrusim vailens egensim ol meri.

Famili na Seksual Vailens Nesenel Hotlain i op long Pot Mosbi long Trinde, Ogas 19 long dispela yia em i wanpela rot bilong helpim ol meri egensim vailens.

Dispela hotlain bai kamap hap bilong kisim infomesen na sapot bilong ol man, meri na pikinini husat i lukim seksuel na jenda bes vailens o pasin bilong bagarapim meri long Papua Niugini.

1-Tok Kaunseling Helpim Lain em i wanpela tingting bilong Child Fund PNG i wok bung wantaim Famili na Seksual Vailens Eksen Komiti (FSVAC) bilong Konsaltiv Implementesin na Kaunsel, FHI360 wantaim helpim bilong gavman bilong Yunaitet Stets, Australia na Nu Silan.

U.S Embeseda long PNG, Walter E. North i tok gavman bilong U.S i amamas long kamapim dispela hotlain.

“Mipela i amamas long gutpela wok bilong gavman na ol NGO patna long wok na stopim vailens egensim ol meri, ol pikinini na ol lain olsem. I gat planti wok long mekim tasol dispela hotlain em

wanpela gutpela rot,” Embeseda North i tok.

Long wankain taim, Famili na Seksual Vailens Eksen Komiti i opim gaidlain long sapotim riferel na rot bilong ol sevis long ol sevaiva o ol lain i kisim hevi long famili na seksual vailens long dispela yia tu.

Dispela riferel gaidlain i kamap long wok bung bilong FSVAC wantaim sapot bilong gavman bilong Australia. Ol patna em olsem ol gavman ejensi, ol pipel i makim lo na jastis, non gavman, ol sios na ol praivet sekta.

Nesenel Kodineta bilong FSVAC, Urne Wainetti i tok, “Yumi i bin traum long kamapim dispela gaidlain insait long 5-pela yia long bungim ol wok. Em i wanpela gaid bilong yumi olgeta, namel long ol sevaiva na ol pipel i save givim sevis,” Mis Wainetti i tok.

Mis Wainetti i tok ol i redi long sapotim dispela gaidlain na strongim ol wok bung na divelopim. Em i tok ol i laik luksave long ol sampela salens we ol pipel i save givim sevis i save lukim.

Long wankain taim, Kaunsela bilong Australia Hai Komis, Susan Ferguson, i amamas long FSVAC long kamapim dispela gaidlain long sapotim ol sevaiva na stopim vailens.

“Bikpela samting em long bungim ol patni na helpim ol meri, pikinini, na sampela man husat i save kisim bagarap long vailens sapos dispela rot i klia,” Mis Ferguson i tok.

Narapela rot bilong luksave olsem ol meri i seif em dispela Meri Seif Bas we i bungim wanpela yia bilong en long dispela yia.

Deputi Representativ bilong UN Wimen long PNG, Rebecca Lineham i tok, “Long 2014 UN Wimen wokim wanpela stadi long ol pablik trenspot long Pot Mosbi na painim aut olsem 90 pesen bilong ol meri i save bungim sampela kain vailens taim ol laik kalap long ol pablik trenspot olsem bas, wet long bas stop, wokabaut i go long bas stop na long ol teksis.

Em i tok bihain long dispela stadi, UN Wimen i kamapim Seif Pablik Trenspot Program.

Mis Lineham i tok wanpela bikpela hap bilong dispela program em long wok wantaim Ginigoada long sapotim bas sevis bilong ol meri na pikinini ‘Meri Seif Bas’.

Ol dispela samting i bin kamap long dispela yia we ol meri i bin lukim vailens long kain kain rot tasol sampela ol gutpela pipel, ogenaiesen na kantri i sapotim ol meri long daunim egensim ol meri na sampela ol man long kantri.

Lukluk Bek long Yia 2015 long ol Sios

Wantaim Veronica Hatutasi

OL SIOS long Papua Niugini (PNG) i mekim bikpela wok long bringim ol sevis long spirituel, sosel, fisikel, helt na edukesen i go long ol pipel bilong dispela kantri.

Ol i makim maus bilong ol manmeri i no gat maus long toktok long lukautim jastis, ikwaliti na humen rait bilong olgeta manmeri.

Moa long hap bilong ol helt na edukesen sevis insait long PNG i kam aninit long ol sios we Katolik Sios i go pas, na Luteran, Angliken, SDA, Yunaitet, Salvesen Ami, Baptistis na ol narapela pentekostel na ol liklik sios tu i go insait long givim na skruim ol sevis.

Wok bung namel long ol sios na gavman i stap pinis moa long 10-pela yia nau na i go het long ol eria olsem helt, edukesen na sosel sevis. Australia i luksave long gutpela wok ol sios i mekim na AusAID i save givim bikpela sapot long mani na ol narapela sapot aninit long Sios Patnasip Program (CPP).

Sampela ol bikpela wok kamap long sios long dispela yia.

Katolik Sios i strong long ol eria olsem Famili we i lukim na skruim program bilong pastorel kea long ol famili, marit, edukesen bilong ol pikinini na lukautim ol lapun insait long ol daiosis na peris long kantri. Famili yunit i wok long bungim planti salens long kain laip na stap tude na sios long PNG wantaim Famili Laip Apostolet i mekim ol wok, skul awenes na kaunseling i go long ol famili na long ol skul we ol i askim ol long go mekim ol wok skul awenes.

Long intenesenel sios level, 15 de Famili Sinot i bin kamap long mun Oktoba long Rom we 297 Kadinel, ol bisop na pater i bin makim klostu 3 bilien Katolik na glasim, skelim, toktok na kamap wantaim ol samting long lukautim na strongim famili we i faundesen bilong sosaiti. Bisop Anton Bal bilong Kundiawa Daiosis na Deputi Famili Laip Apostolet bin makim PNG long dispela konprens.

Jastis na Lo: Sios i lukm dispela em i wanpela bikpela eria na digniti bilong man o respektem o luksave olsem olgeta man i stap long wankain level long ai bilong God, na yumi mas mekim gut long wanpela arapela. Olsem na Katolik Bisops Konprens (CBC) Jenererl Seketeri Pater Victor Roche SVD, i makim maus bilong ol bisop long PNG na Solomon Ailan i bin wokim ol strongpela toktok long lukautim jastis na humen rait bilong olgeta i karamapim ol refuji o asailam sika, ol kalabus lain, ol meri na pikinini na ol arapela i no gat maus long makim ol.

CBC long dispela yia tu i bin toktok strong egensim pasin korapsen na braiberi.

Soseri o Sanguma i narapela samting i kamap strong moa long



EVANJELISIM KONPRENS: Ol Yunaitet Sios lida i singsing kwaia long Evanjelisim konprens bilong ol i bin kamap long Emmaus Konprens senta.

WOKIM PNG ANGLIKEN SIOS HISTORI: Bisop Peter Ramsdeni givim staff o stik long Bisop Denny Guka olsem mak long wok bilong nupela bisop i stat nau.
Poto: Wantok Fail

YUT BUNG: Planti program na ektiviti bilong ol Katolik yut i bin kamap long dispela yia, olsem dispela long Sen Joseph Peris, Boroko, NCD.
Poto: Wantok Fail



dispela kantri na moa yet long hailans rijon. Olsem na Katolik Sios i mekim ol wok awenes long hailans rijon long skulim ol pipel olsem i no ken sutim tok nating na kilim dai narapela man, tasol ol i mas gat evidens o samting long soim man o meri i dai long pasin sanguma. Na tu, ol awenes skul i go aut olsem ol manmeri i dai long ol kain sik na i no long sanguma pasin.

Long las mun (Novemba), Mendi Katolik Daiosis i bin holim wanpela forum long glasim, skelim soseri, sanguma na sutim tok na kilim dai narapela man. Wanpela kriminel lo loya, Miranda Forsyth, husat i bin tisa long Kriminel Lo long Yunivesiti bilong Saut Pasifik, i bin toktok strong olsem i mas gat evidens long wokim disisen olsem man o meri i gilty long wokim asua, na no ken kilim dai man bihainim ol tokwin tasol.

Em i bin tok long planti pasin kastom/tumbuna long Pasifik na PNG tu, i gat ol sistem bilong painim ev-

idens o tok tru, na planti lida i gat gutpela tingting i save glasim na skelim gut ol samting bipo ol i mekim disisen olsem man o meri i gilty o no gat. Taim ol i no gat inap evidens, ol i save rausim keis, Mis Forsyth i tok.

Em i tok dispela em i mak bilong strongpela lidasip, na dispela kain lidasip i gutpela long ol sanguma /soseri keis we planti taim, i no gat klia evidens na ol manmeri i save bihainim tingting, save na laik bilong ol.

Bisop Don Lippert bilong Mendi Daiosis i bin tok pasin ol man i save kamapim pen na kilim dai ol meri we ol i sutim tok long kilim dai narapela wantaim sanguma em long soim olsem ol man i banisim na lukautim komyuniti, tasol dispela i no gutpela wei/samting.

Em i bin tok i mas gat lo long dispela na tu, gavman na sios i mas wokim strongpela awenes na skul i go long pablik na komyuniti long stopim ol pasin long wokim nogut

na kilim dai ol meri husat ol i sutim tok olsem ol i wokim sanguma.

Pater Philip Gibbs SVD husat i karimaut ol risets wok long sanguma i tok sanguma na soseri long PNG i wanpela bikpela salens, na long sait bilong sios, nupela evanjelaisesen i mas kamap long pipel i mas luksave long ol tok promis ol i mekim long taim bilong kisim Sakramen bilong Baptismo.

Yut na Leiti: Sios i wok long strongim wok bilong bilong ol yut na leiti insait long ol peris na daiosis.

Long dispela yia, i bin gat planti ol woksop bilong ol yut long ol wan wan daiosis na tu, bilong olgeta yut lida i bung wantaim. Wantaim go pas bilong Pater Shanti Puthussery PIME, Seketeri bilong Yut na Leiti Komisin long PNG, ol i bin kamapim CBC Yut Polisi na Gaidlain long stiaim ol wok na program bilong ol Katolik yut long kantri.

Klaimet Senis: Sios i wari tu long klaimet senis long kantri, Pasifik rijon na wol na ol wan wan peris na daiosis i gat plen na ol awenes pro-

gram long lukautim envairomen we i stat long ples ol i stap long en, komyuniti na kantri.

Katolik Sios i bihainim singaut na pas bilong Pop Francis ol i kolim long "Laudato Si" we i givim sans log ol Katolik pipel na grup long PNG na Solomon Ailan long wok bung wantaim na helpim long daunim ol hevi bilong klaimet senis.

Skruim Intafeit Dailog o toktok namel long ol sios, moa yet wantaim ol Muslim long PNG na Katolik Sios i go het we i lukim bung i kamap long Bomana ausait long Mosbi long mun Oktoba long dispela yia. Bisop Bill Fey OFM Cap em Bisop Deputi bilong Eku-menisim na Intafeit i bin bung wantaim ol lain Muslim we Imam na narapela tupela biklain bilong ol i bin kamap na bung toktok. Apostolik Nunsio bilong PNG na Solomon Ailan, Asbisop Michael Banach i bin stap tu long dispela bung we tupela sios i toktok long ol komon veliu na wok wantaim long kamapim bel isi na stopim ol pasin bilong valens insait long lotu. Bung i bin luksave tu long 50 yia bihain long Vatiken 11 dokumen long dailog o toktok wantaim ol narapela sios.

Nupela Asdaiosis Opis i wanpela bikpela samting we Asdaiosis bilong Pot Mosbi i bin kamapim long dispela yia. Opim nupela K4 milien opis biling bilong Asdaiosis long las mun (Novemba) i bungim wantaim ol opis insait long wanpela biling tasol long Loreto, Boroko na i mekim wok na ol samting i isi.

El Nino o taim bilong bikpela san, lo na oda na gutpela sindaun em ol samting tu we Katolik na ol narapela sios long dispela kantri i gat konsen o wari long en.

Na ol i mekim ol samting long mak bilong ol long helpim ol pipel i bungim hevi na tu, strongim gutpela sindaun namel long ol famili, komyuniti na kantri.

Long hap bilong Yunaitet Sios, ol eria bilong edvokesei na evanjelisim o autim Tok i bin ol bikpela eria we sios i bin lukluk long en long dispela yia.

Olsem na long las mun (Novemba), Yunaitet Sios i bin holim wanpela wik Evanjelisim bung long Emmaus Konprens Senta long Don Bosco Teknolojikel Institut (DBTI) long Taurama.

Modereta Reveren Bernard Siai i bin tok evanjelisim o autim Tok bilong God em i namba wan wok bilong Yunaitet Sios, na ol lida bilong sios i mas mekim stret dispela wok.

Evanjelikel Luteran Sios long PNG (ELC-PNG) long dispela yia tu i bin lukluk long strongim wok bilip, evanjelisim na rifom.

Angliken Sios long mun Me long dispela yia i bin lukim nupela bisop taim ol i odenim Bisop Denny Bray Guka bilong Oro Provins, long kamap bisop bilong Pot Mosbi Angliken Daiosis. Dispela i bin wanpela histori bikos nau olgeta bisop bilong Angliken Sios long PNG em ol PNG tasol.

Taim bilong skelim - strongim ol gutpela pasin na rausim ol nogut




KOMENTRI

TUMORA em i namba wan de bilong nupela yia, 2016. Yumi lukluk bek long wanem ol gutpela samting yumi mekim long 2015 na pasim tingting long stretim ol asua na mekim 2016 i kamap wanpela gutpela yia long laip bilong yumi. Planti manmeri bai mekim ol promis o nu yia resolusen - rausim ol nogut na strongim ol gutpela pasin bilong yumi.

Ol saveman tu bai skelim wanem kain ol wok gavman i kamap long kantri na autim tingting bilong ol long ol dispela disisen bilong gavman. I tru i gat planti bikipela samting i kamap long apim nem bilong PNG. Tasol i gat ol bogut tu i bin kamap we i bringim nem bilong PNG i go daun na bringim sem long kantri.

Planti ol bikipela samting i stat wantaim mani. Long 2015 gavman i putim mak bilong baset i go antap long K16 bilien. Em i draipela mak bilong mani tru. Gavman i bin bilip olsem prais bilong ol samting olsem gol na kopa na wel bai i stap antap yet na bai bringim bikipela mani i kam insait long kantri. PNG i stat long salim ges i go aut long ol ovasis maket tu na gavman i bilip bikipela mani bilong ges bai inap long strongim baset bilong en. Tasol sori tru. Long namel long 2015, ol tokwin i kamap olsem kantri i sot long mani - bikos prais bilong gol na kopa na wel long wol maket i pundaun i go daun. Bai kantrii no inap long winim mak bilong mani gavman i bin ting kantri bai kisim. Long mun Novemba, gavman i tokaut olsem

Dispela yia 2016,..Long Jenueri 1 stret, mi promis long stop kaikai lemfleps, smuk, kaikai buai, dring bia, kaikai bik rusta, dring kouk, kaikai ol sosis ol i salim long strit,rais stew,skon bol, nuduls..Mi bai eksasais na lus weit liklik...Niu yia resolusen bilong mi..



Jada 0151

baset bilong 2016 bai kam daun long K14 bilien.

Hevi bilong mani i mekim na

gavman i sotwin long painim ol rot bilong sevim mani. Gavman i no givim hariap mani i go long ol gav-

man dipatmen. Planti bilong ol i lukim olsem gavman i katim skel bilong ol. Em i pasim Ok Tedi Main long Westen Provins na salim ol wokman i goaut long Tabubil. Em i salim Tolukuma Main long Goilala i go long wanpela kampani bilong Singapo. Ol kampani bilong gol na oil tu i rausim ol wokman na stopim sampela wok we i no mekim gut winmani bilong kampani.

Ol hevi bilong bikipela san na ais i bagarapim ples i kamapim bikipela havi tru. Long planti ples insait long kantri ol pipel i sot long kaikai na wara. Dispela hevi i stap inap sikispela mun samting. Long mun Novemba, ren i stat long pundaun gen. Tasol planti ples bai sot yet long kaikai bikos ol gaden bai i no inap redi hariap.

I gat planti gutpela samting i kamap tu long 2015. Gavman i givim yet fri edukesen long ol pikinini. I no gat projek fi tu olsem na ol papamama i amamas. Moa pikinini

i go long skul bikos long fri edukesen. Tasol spes i paspas tru insait

long ol liklik klasrum na ol tisa i kisim taim long skulim bikipela klas tru.

Long mun Julai, PNG I go pas long lukautim Saut Pasifik Gems. Ol spot manmeri bilong yumi i winim moa gol, silva na brons medal long dispela bikipela pilai bilong ol Pasifik kantri.

Gavman i lusim bikipela mani tru long kamapim ol gutpela ples pilai insait long Mosbi na dispela i makim ol spot manmeri i pilai gut tru. Ol kampani i bin givim bikipela mani tru long helpim Tim PNG i pilai gut na winim ol medal.

I gat moa mani i go long ol distrik na lokal level gavman bilong givim sevis i go long ol pipel.

Dispela driman bilong gavman bilong kisim sevis i go long wan wan ples bai senisim sindaun bilong ol pipel. Tasol ol pipel tu i mas senisim pasin na bringim gutpela senis i go insait long ples.

I gat ol gutpela senis i kamap long dispela yia, tasol i gat ol pasin we i save givim bikipela salens tru i go long ol lida bilong yumi.

Yumi hop ol lida i luksave long ol dispela salens na pasim tingting long stretim nau.

Neks yia 2016 em i wanpela ful yia we ol program bilong gavman i mas karim kaikai.

Bikos ol tupela yia bihain, 2017 na 2018 em i taim bilong redi long nesenel ileksen na makim nupela gavman gen. Mobeta ol pipel i skelim gut dispela pasin long 2016 na redi long bungim salens bilong kamapim gutpela senis.

Hepi Nu Yia PNG!

Nu Yia tok promis

... long pinisim olpela pasin, traim long kamapim nupela pasin

OLGETA yia ol manmeri i save mekim tok promis.

Olsem na long belo long dispela nait 2015 i pinis na 2016 i kamap, ol manmeri bai mekim gen ol tok promis ol i save mekim.

Ol tok promis i kamap long soim olsem senis i mas kamap long laip tu taim senis i kamap long olpela yia i go na nupela yia i kamap.

Pasin bilong olpela yia i mas pinis na go wantaim olpela yia na nupela pasin i mas kamap wantaim nupela yia.

Em as tingting ol manmeri i save mekim tok promis.

Planti bilong ol promis ol manmeri i mekim em long tok promis bilong pinisim ol pasin i no gutpela na bihainim ol gutpela pasin.



Dispela em i gutpela.

Tasol planti bilong dispela ol tok promis i no stap longpela taim. Bihain long wanpela de, wik o mun ol lusim tok promis na mekim o bihainim gen ol olpela pasin ol i bin i tok promis long lusim. Olsem na Skelim tingting i

laik go moa na tok olsem taim manmeri mekim ol tok promis ol i no ken mekim long lusim ol pasin ol i no laik long mekim. Nogat.

Ol i ken mekim ol tok promis long mekim ol gutpela wok tu wantaim.

Ol pasin olsem sapos ol i birua long wanpela man ol i mas senis na kamap poroman bilong dispela man long nupela yia, visit na mekim gut long ol sikmanmeri, ol lain husat i no gat gutpela bodi, kalabus, i no go lotu i mas go lotu, i no save stadi gut mas stadi gut, i no save lukautim gut famili i mas mekim nau, i no sevim mani i mas sevim mani, i no save eksasais i mas eksasais na ol narapela ol gutpela tok promis ol i laik mekim.

Ating taim ol manmeri i mekim olsem ol bai strong na bihainim yet tok promis ol i mekim.

Long Matthew 5:37 Jisas i tok long no ken kolim nem bilong Bikipela taim wanpela i mekim tok promis. Nogat.

Jisas i tok long ol manmeri mas tok yes o nogat taim ol i mekim tok promis.

Na long Eklesias 5:4-5 em i tok taim manmeri i makim de bilong bekim dinau long taim em i tok long mekim, em i mas bihainim dispela tok promis bilong em.

Narapela samting ol manmeri i save mekim em long tromoi pipia.

Manmeri i mas tok promis long ol i no ken tromoi pipia nating i go long olgeta hap.



Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Em nau! Ol pikinini i ken painim rot i go long ples wantaim Wantok kru...



Kanage bilong Kerema

KANAGE bilong Kerema i go stap long Daru. Ol-geta taim em i save kaikai ol baramandi na ol gut-pela kaikai long maket. Em i tingim ol wantok bilong em long Mosbi na salim sampela i go long Douglas Airways.

Long taim yet Douglas Airways i save ran i go olsem long POM, Malalaua, Terepo, Kerema, Ihu, Baimuru, Kikori na Daru na i save bihainim wankain rot i go bek.

Olsem na, Kanage i putim ol kago na em i ran olsem i go long provinsol afes opis long Daru long yusim VHF redio long ringim ol wantok long kago i go pinis.

Kanage i kirap na tok, "Kelema, Kelema, Kelema! Tis is Talu connin, yu kisim mi tu o lokat ...owa! (planti nois tumas na em i wok long traime yet.)"

Daru caller: "Kelema, Kelema, Kelema, Talu connin, yu kisim mi tu o lokat...owa (over)!"

Liklik taim tasol na Wantok bilong Kanage i kisim long K taun.

Kerema caller: "Talu, Talu, Talu, tispla em Kelema, lisiving yu laut en c'near ...kam in ...owa!"

Daru caller: Locha, locha(roger) ...mi laik toktok long Annan (Allan) ...owa!

Kerema caller: Plis ilap (inap) yu spell ta lem(name) ...owa!

Daru caller: Locha, locha ta lem is Annan ..."A tapol L A N" (spelling) ...alpha ...lareva ...lareva ...alpha ...NEHIA (a**hole in kiwai lingo)

Kerema caller: Ko aheth, ko aheth ...mi tasol Annan ...owa!

Daru caller: "O sori, plata (brother) for who, yu kisim tu ol Palamanti (barramundi) mi salim lau (nau) ona Tuck-les? (Douglas Airways)"

Kerema caller: "leketiv, leketiv, leketiv ...Mi kisik piis totay ...tank yu veli mas plata...owa!"

Daru caller: Lo walis plata ...lex taim mi salim lata wan fo yu ...Talu out!



Kerema caller: Kelema signing off ...owa n out.

Kanage na meri bilong em

WANPELA taim Kanage na meri bilong em i go soping long taun. Tupela i mekim bikpela soping stret na go sanap long hap bilong baim kaikai. Meri long til i askim tupela, "Kes o kad?" Meri askim taim em i putim ol kaikai i go insait long plastik.

Meri bilong em i sekim bek long kad bilong em na nogat, kontrol bilong TV i stap insait long beg. Meri long til i askim, "You save karim rimot bilong TV raun raun olgeta taim o nogat."

"Nogat," em i tok, "tasol man bilong mi i les long kam wantaim mi olsem na mi kisim rimot kontrol."




Ol wod lista hia:

- ANIS
- ALTA
- AINANGA
- BAUTIM
- BILUM
- BUBU
- DRAIPELA
- DISPELA
- EGENS
- FRIMAN
- GRAUN
- HUSAT
- HETWIN
- KABIS
- KIKBAL
- KLAMBU
- LONGWE
- MASKI
- NAISPELA
- OLSEM
- PLANTI
- PUNDAUN
- RONGIM
- SALIM
- TENKYU

U C K R R Z M E J S P B M A S K I B I W
 E V T M D F N A N I S A L I M Q A S A H
 K H O T E I N D I S P E L A Q C C A W K
 A C D T T S O U F R P E E O I R N R I G
 B E C M X N S D D S I D H I T N U A E H
 I A E G U S A R I O I A D E D P M W N O
 S M U M I P I A H M N L R G O E K H R W
 C H E T W I N I T M T T L E A K G Q S H
 D U G E I E A P U N D A U N J U B X Q F
 D S M N I M N E F J B A Q S I P N F H L
 H A T K T E G L R K S I S D O O L N A E
 W T E Y A M A A I O T G U E I N O I M T
 N F R U R Q A K M N N D W R L A E S D C
 Q S I S M C M K A J Y G L T I H O S L F
 T N A P V A X L N N N R I N E D Z P H R
 B T N E B J P A W O E A E M R M T Z T Y
 I F S O A U E M L L S U E D B N W G T C
 E K A C T O B B E S O N S N F U K T E E
 S S L T B I L U M E R E R R T U E Z C F
 O H T E E I P S S M N T E V A M M H A Y

Ansa bilong Wod Pilai isu 2153





TOK PISIN NEWS

from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Solomon Ailan Polis i rausim ol spakbrus diwai

John Papik i raitim

LONG Malaita Provins long Solomon Ailan, ol polis long Auki i bin go rausim ol marijwana diwai long wanpela gaden.

Polis long Auki i bin go na rausim 41 mariwana diwai long wanpela gaden long Buiana komyuniti.

Prais bilong ol dispela mariwana diwai sapos oli

salim bai inap samting olsem 50,000 Solomon Ailan Dola.

Timothy Apaesi, Polis Inspekta long Auki i tok ol i bin go insait long komyuniti na kamautim ol dispela mariwana diwai wantaim helpim bilong ol lida bilong komyuniti.

Pasin bilong salim hait na yusim ol dispela kain spakbrus em i wok long kamapim ol bikplea wari long planti kantri long Pasifik rijon.

Pasifik envairomen- talis i no bilip long Paris klaimet agrimen



Pipel bilong Tokelau i mekim danis egensim klaimet senis. Foto: ABC

Caroline Tiriman i raitim

WANPELA envairomentalis bilong Solomon Ailan i tok em i no bilip tumas long dispela tok orait em ol i kamapim long Paris long daunim mak bilong Global Woming o ples i go tuhat.

Lawrence Makili husat i go pas tu long envairomen grup "Earth Island Institute" i mekim dispela toktok taim ol lida bilong 195 ol kantri long wol i bin tok orait long daunim global woming long 1.5 digris selsius.

Despla tok orait i min olsem ol kantri i mas painim ol narapela we bilong mekim ol wok bisnis na no ken autim ol pipia posin ig o long enviromen.

Planti kantri long Pasifik nau i wok long bungim hevi bilong ol solwara i wok long go antap na bagarapim laip bilong ol pipel.

Mista Makili i sutim tok tu long Australia olsem em i save pamim planti pipia tru i go long enviaromen wantaim ol bisnis bilong en olsem kol maining.

Mis PNG i winim Mis Pasifik Ailan taitel



Abigail Havora i winim Mis Pasifik Ailan kwin resis. Foto: ABC

Caroline Tiriman i raitim

ABIGAIL Havora bilong Sentral Provins long PNG i bin winim 7-pela narapela meri long kisim dispela Pasifik Ailan 2015 kwin resis.

Abigail Havora em i wanpela save meri husat i bin greduet long saiens long yunivesiti na em i save wok wantaim Oil Search, tasol em i wanpela meri husat i save mekim tu planti volantia wok long PNG.

Eitpela meri olgeta bilong rijon i bin resis long dispela Mis Pasifik Ailans kwin.

Dispela em i namba wan

taim wanpla meri bilong PNG i winim dispela resis.

Mis Havora i tokim Pasifik Beat olsem em i kirap nogut na amamas tru long dispela bikpela win bilong en.

Pastaim long dispela bikpela wokabaut bilong ol i go long Rarotonga, ol meri i bin resis i bin mekim planti toktok long pasin kalsa na hau em i stap strong long laip bilong ol, na Abigail tu i bin autim tingting bilong en long kalsa blong en.

Nupela Mis Pasifik ailan i tok tu olsem, kalsa bilong ol Pasifik Ailan pipel i stap long blut na laip bilong ol.

WNBP i amamas long nupela ples balus



Air Niugini balus. Foto: ABC

John Papik i raitim

OL bisnis komyuniti na ol pipel long Wes New Britain Provins nau i amamas stret long nupela ples balus blong ol long Hoskins.

Gavana Sasindran Muthuvel i tok nupela ples balus bilong ol bai helpim ol wok bisnis long provins.

Dispela nupela ples balus

long Hoskins ol i wokim wantaim mani helpim i kam long Asian Development Bank na PNG gavman i min olsem nau bai moa pipel il aik raun long provins na tu, bai bringim moa invesmen.

Wes Nu Briten Gavana, Sasindran Muthuvel i tok dispela bai gutpela samting tru long Pwes Nu Briten Provins na kantri.

Ol asples i wari long loging na klaimet senis



Timba bisnis i bagarapim ol bikbus. Foto: ABC

Caroline Tiriman i raitim

OL i askim klaimet senis miting long Paris long tok orait we ol i kamapim long dispela miting i mas karamapim tu ol wok bilong katim ol ren fores na tu ol bikbus ol i stap long ol kol ples.

Ol laen indijinis o asples pipel husat i bin stap long dispela senis miting miting long Paris i tok olgeta tok orait em ol i kamapim long dispela miting i mas karamapim tu ol wok bilong katim ol ren fores na tu ol bikbus i stap long ol kol ples.

Ol dispela indijinis pipel i bin kam long ol ples olsem long Not na Saut Amerika,

Canada, Esia na tu long Pasifik.

Ol i tok tu olsem ol i namba wan pipel long bungim hevi long klaimet senis long wanem, planti ol bikbus na envairomen bilong ol i bagarap bihainim ol bikpela wok developmen.

Long Pasifik rijon, ol asples pipel i tok planti wok developmen olsem spesel egrikalsa bisnis lis long PNG i helpim long bagarapim envairomen.

Kenn Mondiai, Dairekta bilong Partners with Melane-sians i bin stap long Paris i tok pasin bilong katim daun ol bikbus long planti hap long wol i wok long bagarapim envairomen.

Jufa i tok PNG Gavman i mekim gutpela wok



Gavana Gary Jufa Foto: ABC

Caroline Tiriman i raitim

GAVANA bilong Oro provins, Gary Jufa, i tok em i amamas tru long gavman long putim wanpela "stop wok oda" long tupela loging kampani bilong ol narapela kantri long wanem, tupela i bin brukim envairomen loa bilong kantri.

Mista Juffa i tok, Oro provins i namba wan ples long kantri long kisim dispela kain gutpela nius.

Praim Minista, Peter O'Neill, i bin putim aut dispela oda bihainim ol wok painimaut olsem dispela tupela kampani, Yema Gaiapa Developers na Viva Success Limited, i no bin kisim tok orait na i go katim ol diwai.

Em i tok ol papa graun i bin ripot long sampela wari bilong ol long dispela tupela kampani i bin mekim arere long boda bilong Oro na Morobe Provins.

2017 Pasifik Mini Gems long Vanuatu i bungim hevi

John Papik i raitim

OL i tok Pasifik Gems Kaunsel i wari olsem Vanuatu i no hariap long redim em yet long dispela bikplea pilai

Long 2011 long taim bilong namba 14 Pasifik Gems long Noumea long New Caledonia, Vanuatu i bin kisim tok orait i kam long Pasifik Gems Kaunsel long askim bilong em olsem em bai lukautim 2017 Pasifik Mini Gems long Port Vila.

Tasol i kam inap nau lukim dispela las tripela yia na hap bilong dispela yia, i no gat

wanpela wok i kamap long redim ol samting bilong 2017 Pasifik Mini Gems.

Na dispela i kamapim wari nau long Pasifik Gems Kaunsel taim oli bin go raun long Vanuatu las wik long lukim ol samting na toktok wantaim Vanuatu Gems Komiti na Vanuatu gavman.

Siaman bilong Vanuatu Pasifik Mini Gems Ogenaising Komiti, Antoine Boudier, i tokim Redio Australia olsem ol i gat sampela plen i stap pinis bong statim wok long redim dispela Mini Gems.



PMIZ projek em i bikpela developmen nius long Madang provins.

James G.Kila i raitim

MADANG provins long 2015 i lukim planti samting i no go stret tumas na bikpela popaia i stap long than bilong ol lidaman i no sanap strong long wokim strongpela disisen long helpim ol pipel.

Krismas i pinis las wik Fraide na yumi muv i go insait long Nu Yia 2016 nau. Tasol taim yu pundaun long balus na ran long PMV o kar i go olsem long taun, bai yu lukim ples klia tru olsem bikpela Modilon Rot i go insait Madang taun arere tasol long provinsal gavman opis i bagarap yet.

Wanpela lida man na siaman bilong Maigari Lenona Kampani, Russel Melluk i givim toktok long *Wantok Niuspepa* long skelim tingting bilong 2015 olsem planti ol pablik infrastaksa long Madang i no orait yet bikos ol politikal lida long provins i no givim gutpela tingting na moa taim long kirapim gutpela developmen long helpim provins na ol pipel.

“Bikpela ol pothol o baret i stap yet namel long rot klostu tasol long Madang provinsal gavman asembli haus, dispela em bikpela sem tru ya,” Mista Melluk i tok.

Ol lida bilong Madang i tokaut olsem ol bai stretim dispela rot, tasol nogat ya. Ol mauswara tasol, na rot ya i stap bagarap yet. Em ples klia stret olsem ol lida man bilong Madang em ol lain bilong pairap o toktok tumas, tasol putim mani o eksem long wokim samting i kamap tru long sapotim gutpela sindaun bilong provins na ol pipel, em nogat.

Stat long mun Mas bikpela ren i pundaun namel long Madang-Ramu Haiwe na bagarapim sampela ol bris long rot na i givim bikpela hevi tru long ol bisnis long kisim saplai bilong ol, na tu ol manmeri long ran i go kam long mekim bisnis bilong ol.

Bihain long bikpela ren na tait wara long planti ples insait long provins, arapela hevi bilong bikpela

san na longpela drai sisen i bungim Madang provins. Dispela hevi bilong El Nino em planti ples o provins long PNG tu i bungim.

Dispela bikpela El Nino drai sisen i bin stat long mun Epril i go inap Novemba long Madang na bikpela ren gen i pundaun long planti ples long provins.

Hevi bilong lo na oda

Hevi bilong lo na oda i bin bagarapim tru nem bilong Madang long 2015.

Planti niuspepa ripot i soim Madang i bungim planti hevi bilong lo na oda bikos ol lida long provins i no sanap strong na wokim strongpela disisen long daunim dispela hevi.

Long mun Novemba, nupela PPC Jacob Singura wantaim nupela polis stesen komanda, Vincent Isanda i kisim wok long Madang.

Madang i bin lukim senis i kamap long Provinsal Polis Komanda (PPC) taim Suprintenden Sylvester Kalaut i go aut long provins long wok olsem NCD Metropolitan komanda long Mosbi.

Long wok bilong lo na oda, Madang tu i lukim nupela singel polis bareks long Jomba, na tu, moa yangpela rikrut nau i go wok i stap long Madang.

Madang i kisim sapot bilong ol Mobail Skwat bilong Bulolo na Lae long daunim lo na oda hevi insait long provins.

Bisnis na developmen

Bikpela stori bilong bisnis na developmen em ol wok bilong Pasifik Marin Industrial Zon (PMIZ) projek long Vidar i stat.

Praim Minista Peter O’Neill wantaim ol senia minista bilong gavman i bin go stap long opim ol wok kirap bilong Pasifik Marin Industrial Zon (PMIZ).

Mista O’Neill i tokaut olsem ol pipel bilong Madang mas amamas olsem dispela bikpela projek bilong gavman long provins bilong ol bikos em bai kamapim moa long 30,000 wok bilong pipel long provins.

Gavman i bin givim tokorait long dispela PMIZ projek long 2006 long wok i

kirap, tasol planti tokpait na tu kot i surikim dispela projek i go longpela taim tru.

Mista O’Neill i tokim ol pipel bilong Madang olsem dispela em las taim bilong opim ol wok bilong PMIZ, bikos em i kisim 11-pela yia olgeta na kost blong projek i go antap moa olsem 50 pesen mak nau.

Dispela PMIZ namba wan hap bilong projek em inap long mak bilong K287.9 milien, na mani i kam long gavman na China Exim Bank.

Ol bikpela wok we bai kamap long Vidar projek bai lukim bikpela 276 mita wof o sip bris kirap we bai lukim bris ya i holim mak olsem 40,000 tan hevi sip, na tu i ken lukautim ol sip bilong pulim pis long solwara.

Bikpela projek developmen wok em China Shenyang International Technicall Economic (PNG) Limited bai wokim.

Embaseda bilong Saina long PNG, Li Riyung i tokaut olsem kontraka husat bai wokim PMIZ long kamapim gutpela kwaliti wok. Ol i mas harim tingting bilong Gavman na tu ol pipel bilong PNG.

Ol narapela bisnis na developmen long 2015 tu i lukim kirap bilong nupela Madang taun maket. Dispela nupela taun maket projek em gavman bilong Japan aninit long Japanis Intanesenel Kopresen Ejensi (JICA) i kirapim. Kos bilong dipela nupela maket projek em K26 milien i kam long JICA wantaim kauntapat helpim i kam long Nesenel Fiseris Atoriti.

Wanpela rot tasol we i save bringim bisnis na ol saplai bilong guds na sevis i go long provins em Madang-Ramu haiwe.

Em i no stret tumas long ridim long midia olsem ol arapela provins long kantri i kisim planti infrastaksa (rot na bris) mani long stretim ples bilong ol, tasol Madang provins em nogat.

Rot namel long Madang na Ramu i stap bagarap yet bikos em i taim bilong ren nau na ating stat bilong 2016 bai rot ya i go bagarap stret.

Glasing Madang provins long 2015



Madang taun bisnis distrik.



Madang-Ramu Haiwe save bagarap yet long taim bilong bikpela ren.

Bisnis na investmen groa long 2015

PLANTI gutpela samting i bin kamap long sait bilong bisnis long PNG long yia 2015. Long Pot Mosbi tasol, klostu long 400 nupela kampani i bin joinim na kamap memba bilong Pot Mosbi Semba ov Komes na Industri (POMCCI).

Presiden bilong POMCCI Ron Seddon i tok Pot Mosbi i bin lukim planti nupela bisnis i kirap.

"POMCCI i wok long gro. Planti kampani i joinim POMCCI na nau klostu long 400 kampani i joinim dispela semba na kamap memba," Mista Seddon i tok.

Dispela em i gutnius long wanem, sampela kantri i wok long kisim hatpela taim bikos prais bilong ol komoditi i pindaun na ol i hat long mekim mani na kirapim ol nupela bisnis.

Tasol long PNG, maski prais bilong gol, ges, wel na kopa i pundaun na dispela i mekim yumi pilim pen na hevi, tasol ol bisnis na kampani i wok long gro strong yet.

Dispela toktok bilong Mista Sedon i tru. CEO bilong POMCCI, David Conn i sapotim dispela toktok na i tok bisnis sekta long PNG i bin lukim planti gutpela samting i kamap long aviesen, maining, petroleum, fainensal, na sastenebel eneji bisnis.

Dispela ol indatri o bisnis em ol namba wan indatri we moa long tri kwata mani bilong intenesenel reveniu i save kam. Gavman i save kisim moa mani long ol dispela indatri.

Maski bikipela drai weda na El Nino i bin kamap long PNG i bin bagarapim sampela bisnis, ol ki bisnis sekta long PNG i ran gut. Yumi lukluk long Petroleum sekta pastaim.

Petroleum Sekta

Petroleum sekta long PNG i bin lukim planti gutpela na nogut samting i kamap long yia 2015.

Ol sea prais bilong Oil Search i bin pundaun long dispela yia taim prais bilong wel i bin go daun long intenesenel wel maket. Taim prais bilong Oil Serach i bin pundaun, narapela petroleum kampani bilong Australia, Woodside Petroleum, i bin tingting long baim Oil Serach.

Tasol ol bod ov dairekta bilong Oil Search i tok nogat long salim Oil Search i go aut long Woodside Petroleum.

Oil Search em i namba tu projek patna bilong PNG LNG Projek we ExxonMobil PNG i ranim.

ExxonMobil i tok ol i salim moa long 150 LNG kago i go long Saina, Japan na Taiwan. Konstraksen hap bilong PNG LNG Projek i kamap pinis na projek i go insait long opresen.

Taim ol papagraun i no kisim ol ekwiti na royalti mani bilong ol, ExxonMobil i no tokaut long wanem hap stret mani bilong PNG gavman i stap.

Gavana bilong Sentral Benk Loi Bakani i tok ol mani bilong papagraun i stap gut long wanpela tras akaun insait long Sentral Benk.

Nau gavman na planti manmeri i wok long putim ai long narapela bikipela LNG projek insait long Galp Provins.

Em long Elk-Antelope em i Papua LNG Projek we InterOil i bin tingting long ranim.

Total E & P PNG bilong kantri Frans i kisim ples bilong InterOil long Ogas 2015 na i kamap nupela opereta bilong tupela bikipela ges fil long Galp provins we ol i kolim Elk na Antelop.

Elk na Antelop ges fil i kam aninit long Petroleum Ritensen Laisens namba 15 o PRL 15.

Ol projek patna bilong Papua LNG Projek em ol Total E & P PNG (40.1 pesen), InterOil

(37.1 pesen) na Oil Search (22.8 pesen).

Dispela namba tu projek bai no inap kirap hariap bikos wel na ges prais i go daun long intenesenel maket na ol projek patna bilong dispela projek i no save gut long hamas ges stret i stap insait long graun.

Ges bilong kirapim Papua LNG Projek bai kam long Elk na Antelop ges fil. Total E & P PNG i wok long mekim ol drilling wok long dispela tupela ges fil long sekim gut hamas ges stret i stap long graun.

Menesing Dairekta bilong Total E & P PNG, Philippe Blanchard i tokim PNG Maining na Petroleum Invesmen Konprens long mun Novemba long Pot Mosbi olsem tupela ki samting we ol projek patna i lukluk long kirapim em;

- risos asesmen na
- wel na ges envairomen.

Mista Blanchard i tok risos asesmen bai tok kliia long hamas ges stret i stap long PRL 15. Ol bai drilim ol wel insait long PRL 15 na painimaut hamas ges i stap aninit long Elk na Antelop wel.

"Taim mipela i save long hamas ges i stap, dispela bai larim mipela i tokaut long sais bilong LNG Projek," Mista Blanchard.

Wel na ges envairomen em i toktok long intenesenel ges maket we prais bilong wel na ges i wok long go daun.

"Mipela bai sekim na glasim gut wanem samting i wok long kamap long wel na ges maket. Dispela bai tokim mipela long hamas mani ol projek patna bai nidim long kirapim dispela projek," Mista Blanchard.

Dispela em ol bikipela samting bin kamap long petroleum sekta long PNG long yia 2015.

Maning Sekta

Long maining sekta, yia 2015 i bin lukim Petromin PNG Holdings i salim pinis Tolukuma Gol Main long Sentral Provins.

Asidokona Mining Resources PTE Limited bilong Singapo i pinisim ol agrimen bilong baim sea bilong dispela namel sais gol main we Petromin i bin lukautim.

Menesing Dairekta bilong Petromin, Thomas Abe, i tok Tolukuma Gol Maining i no save mekim winmani tasol em i save westim bikipela mani bilong Petromin.

"Long yia 2008 i kam inap nau, Petromin i bin lusim K170 milien. Em i no bin mekim winmani long dispela gol maining na bot na menesmen bilong kampani i wanbel long salim," Mista Abe i tok.

Long Oktoba 7, Petromin bin sainim sels agrimen wantaim Asidokona long larim Asidokona i baim Tolukuma gol main, na long Desemba 2, Petromin i givim olgeta pawa bilong lukautim na ranim maning long Asidokona bihainim endova tekova seremoni.

Ramu NiCo na Ok Tedi Maining Limited i bin kisim taim stret bihain long wol metal prais i pundaun.

Dispela tupela wol klas maining i bin pret bikos sapos prais bilong ol metal i pundaun, em bai bagarapim opresen bilong maining.

Presiden bilong Ramu NiCo, Wang Jicheng i tok; "Pundaun bilong nikel prais long wol maket i givim hevi long nikel/kobalt divelopa long PNG, Ramu NiCo Menesmen (MCC) Limited."

Wankain olsem ol narapela metal olsem gol na kopa, prais bilong nikel i wok long go daun yet nau long dispela taim long wol maket.

Ok Tedi Maining Limited (OTML) i tok em i wok long bungim bikipela salens bihain long prais bilong gol na kopa i wok long go daun



Praim Minista Peter O'Neill long maining na petroleum invesmen konprens long Pot Mosbi long Novemba 2015.

insait long 6-pela yia nau.

Menesing Dairekta bilong OTML, Peter Graham, i tok bihain long drai sisen i kamap na level bilong Flai Riva i go daun, Ok Tedi maining i bin pas, tasol OTML i lukluk long opim gen maining long Februari o Mas neks yia.

Ramu NiCo i wok long go insait long komising stes bihain long prodaksen i bin stat long Disemba 2012, Mista Jicheng i tok.

Ramu NiCo na OTML wantaim i wok long katim daun ol kos bilong ranim maining opresens.

"OTML bai katim daun 10 pesen wokfos bilong en. Ol wok manmeri long Tabubil na Kiunga husat i save slip long haus bilong kampani bai no moa stap tasol ol bai flai in na flai aut long wokples," Mista Graham i tok.

Ramu NiCo bai no inap rausim ol wokman bilong en. Tasol em bai stopim ol donesen na sponsasip, na bai no moa kisim ol nupela wok manmeri.

Tupela kampani wantaim i mekim dispela ol samting long sevim mani o sevim opresenel kos na larim maining projek bilong tupela i go het yet.

"Ramu NiCo i wok long traim hat tru long go kamap long 90 pesen prodaksen mak bilong en wantaim gutpela wok i kamap long ol teknikal eria, tasol menesmen bilong Ramu NiCo i wari tru bikos prais bilong nikel i wok long go daun tru yet na dispela bai kamapim bikipela hevi stret long sait bilong fainens o mani insait long kampani," Mista Jicheng i tok.

Dispela em ol bikipela samting i bin kamap long yia 2015 long maining sekta long PNG.

Sastenebel Eneji sekta

Long sait bilong eneji sekta planti gutpela samting i kamap. PNG Power i ting ting long stopim olgeta disel jenereta insait long kantri na kamapim klin pawa.

Siaman bilong PNG Power, Larry Andagali, i tok PNG Power bai isi isi tasol stopim olgeta pawa stesen we ol i save yusim disel fiul long kamapim pawa na kamapim klinpela pawa saplai i kam long haidro, sola na ol arapela eneji miks.

Planti ples insait long PNG i save yusim disel fiul long kamapim pawa. Long Pot Mosbi, Moitaka pawa stesin na Kanudi pawa stesin i save yusim disel fiul long kamapim pawa.

Mista Andagali i tok PNG bai kisim pawa saplai long ol haidro pawa, ges, sola na ol arapela sastenebel eneji miks bikos PNG i laik daunim level bilong ol birua klaimet senis i save kamapim.

Fainensal Sekta

Long fainensal sekta, Kina Securities i kamapim wanpela patnasip wantaim Nasfund, Nambawan Super na Komred Trasti Sevis long kirapim namba 4 komesal benk long PNG. Kina Bank em i nupela komesal benk we Kina Securities i go pas long ranim.

CEO bilong Kina Securities, Syd Yates i tok Kina Benk bai kamap bikipela benk na sevim ol manmeri PNG.

Kina Securities i salim ol sea bilong en long Pot Mosbi Stok Eksens (POMSoX) na Australian Sekyurites Eksens (ASX) long larim ol manmeri i baim nupela sea long kirapim dispela nupela benk.

Aviesen Sekta

Long aviesen indatri, PNG i bin lukim wanpela bikipela senis i kamap taim PNG Air i bin baim nupela balus na senisim nem bilong en.

Pastain ol i kolim Airlines PNG tasol nau nupela nem bilong em i PNG Air. PNG Air i kisim nupela kain balus ol i kolim ATR i kam insait long kantri Frens.

MRDC na Nasfund i gat bikipela sea insait long PNG Air. MRDC i gat 41 pesen sea na Nasfund i gat 40 sea insait long PNG Air.

Praim Minista Peter O'Neill i bin amamas stret taim ol bin senisim nem bilong kampani na baim dispela nupela ATR balus.

Mista O'Neill i tok gavman bai sapotim PNG Air bikos dispela balus kampani i save sevim ol manmeri husat i save stap long long ples we i no gat rot bilong kar.

CEO bilong PNG Air, Muralee Siva i tok, PNG Air bai gat ol ATR balus tasol.

"Mipela i wok long isi isi rausim ol olupela balus na bai kisim ol nupela ATR balus tasol. Las wik PNG Air i baim namba tu ATR balus gen na nau ol i wok long testim dispela nupela balus," Mista Siva i tok.

Dispela em ol gutpela samting i bin kamap long yia 2015 long bisnis sekta long PNG. Hepi Niu Yia!

Helti envairomen kamapim gutpela ruel industri



Gavman wantaim ol NGO na USAID i patna bilong holim Mangro Projek trening long Pot Mosbi.

RUEL Industri bai kamap gut na i gat mining sapos graun na bus na solwara i stap gut na ol pipel i amamas long gat planti kain kaikai na abus i stap. Kantri bilong yumi em i wanpela kantri we God i blesim wantaim olgeta kain samting antap long graun, insait long graun, insait long bus, wara na solwara.

Tasol olgeta dispela samting nau i stap long mak bilong bagarap na pinis we bihain taim ol tumbuna lain bilong yumi long PNG bai i no gat save o i no inap lukim na kisim na kaikai ol gutpela samting olsem. Wanpela bikpela birua nau i stap long ples graun we kantri bilong yumi tu i stap long en em long samting ol i kolim Klaimet Senis o bai yumi tok 'Taim i senis'.

Sampela gutpela samting i bin kamap insait long dispela yia we Wantok Niuspepa i bin raitim stori long en em long ol gutpela wok we ol patna, dona ejensi na ol komyuniti i mekim long helpim gavman long strongim wok bilong stopim bagarap bai kamap long dispela klaimet senis birua.

Long mun Me, Wes Nu Briten provinsal gavman i bin amamas long USAID long kamapim wanpela polisi bilong lukautim envairomen William Hosea, Provinsal Edministreta i bin stap makim gavman bilong Wes Nu Briten na tok tenkyu long USAID long kamapim polisi bilong lukautim ol diwai mangro long WNB provins.

Em i bin toktok strong long we i

bilong lukautim mangro long stap longpela taim em i bikpela samting long laip bilong envairomen na tu long laip bilong ol pipel bilong ol nambis komyuniti.

Em i tok, wok bilong ol Oil Pam industri wantaim loging long provins i wok long bagarapim laip bilong ol mangro long gro na kamapim moa yet. Olsem na em i gutpela long kamapim ol polisi bilong lukautim dispela diwai.

Oi USAID i putim mani long wanpela projek ol i kolim MARSH mangro projek we i wok insait long 4-pela provins bilong Papua Niugini. Em long Wes Nu Briten yet, Manus, Sentral, na Nesenel Kepital Distrik. Wantaim dispela projek yet, Dipatmen bilong Envairomen na Konsevesen.

Em i tok tenkyu long USAID long givim mani long MARSH mangro projek long kantri, em i kam aninit long Intenesenel Yunien bilong Lukautim Netsa (IUCN).

Wanpela plen bilong Mangro Menesmen em ol i laikim ol LLG long givim mekim save long ol pipel husat i wok long bagarapim ol mangro na ol ples we dispela diwai i save kamap long en.

Long Nu Ailan na Manus Provins mipela bin ranim ol stori bilong Wail Laip Konsevesen i helpim ol pipel long kamapim ol buk na posta wantaim trening long lukautim envairomen. Ol dispela buk bilong envairomen tu i go long ol praimer skul long helpim ol sumatin long gat moa save long ol

netsa samting i stap bilong helpim ol long bihain taim. Ol tisa tu i kisim instraksen buk bilong lainim ol sumatin long dispela. Insait long Nesenel Kepitel Distrik, Sentral na Manus provins, wanpela lokal na Rijional NGO, PNGCLMA o lokali menes eria i wok wantaim MARSH long strongim dispela wok bilong lukautim solwara eria na ol arere bilong nambis.

Long wankain taim insait long Manus em Wail Laip Konsevesen saientis i painim sampela nupela diwai na ol enimal we ol i no stap long narapela hap bilong PNG o long wol. Long dispela as WLC i helpim ol ples lain long pasim ol hap graun we i gat ol bikpela bus na diwai samting long ol i no ken larim ol ausait loging kampani o maining kampani long katim ol diwai dispela hap bai i stap bilong bihain taim ol tumbuna bilong ol.

Wantaim ol bikpela infrastraksa developmen i kamap long ol ples olsem long Bogenvil, Hailans Haiwe, insait long ol provins bilong Hailans, developmen bilong ruel industri bai go het yet. Tasol insait long developmen bilong ol ples, ol pipel na gavman i mas was gut long lukautim yet envairomen bilong ol pikinini na tumbuna long bihain taim. Olsem na gutpela samting long PNG gavman nau em i gat nupela Sastenebol na Risponsibel Strateji (SARS) polisi bilong developmen i stap we bai givim stia long olgeta kain developmen bilong ruel eria bai kamap.



Ol tisa gaid na instraksen buk bilong ol sumatin long lukautim gut envairomen i bin kamap long Nu Ailan.



Nupela kain prut ol WLC i painim long Manus.



INVESTMEN TOKTOK

wantaim Dokta Stephen Nash

PNG Nesenel Baset na global iekonomik developmen - Hap Namba 2

Sapos yu gat sampela askim, orait yu salim i kam long dispela email adres; toktoksuper@nambawansuper.com.pg na mipela bai bekim.

Long las mun NSL i lukluk bek long sampela wok bilong baset, nau insait long dispela niusleta mipela bai tok moa long wanem samting bai kamap long potfolio, bihain long mipela i glasim rot bilong iekonomi i go olsem wanem long dispela sotpela taim i go long namel taim bilong iekonomi.

Rot bilong Ikonomi:

Ikonomi bilong PNG i save stap antap long ol prais bilong ol komoditi o ol samting bilong salim i go ovasis long kisim mani. Olsem na PNG nau i stat long pilim sampela hevi bilong ol nupela maket long iekonomi i wok long go daun, na gro bilong ol maket we i stap pinis. Bai yumi ken tok olsem, hevi we PNG i stat long pilim em i no pinis yet, na tu i gat bikpela moa hevi bilong wok bisnis bai kam yet long yia 2016. Stori bilong wan, wan bisnis i soim olsem pastaim long LNG-1 projek i kamap ol i bin gat planti kepitel o mama mani bilong kamapim bisnis i stap, tasol nau ol i bungim hevi bilong mani i sot long mekim wok. Dispela kain taim i kirapim tingting bilong stat long skelim wok bilong ol lain i stap long bisnis na long ol lain i stap long lukautim ol mani maket; ol bisnis i luk olsem bai i pundaun long yia 2016, liklik taim tasol pastaim long ol inap long go insait long gutpela taim bilong wokim bisnis o treid wantaim LNG-2, long pinis bilong yia 2017 na i go moa long yia 2018 na ol narapela yia i kam bihain.

I gat wanpela tok piksa olsem, "Ples i save kamap tudak tru liklik taim tasol pastaim long tulait i bruk".

Taim yumi skelim dispela rot bilong glasim ran bilong iekonomi wantaim wok bilong Treseri, em i klia olsem NSL i no tingting tumas long gro bilong iekonomi long sotpela taim, i no olsem Treseri, nogat, NSL i gat strongpela tingting long iekonomi bai gro insait long namel taim. Long dispela as, dispela taim bilong gro bai strong moa winim tingting Treseri i gat; olsem long pablik tu. Na tu, yumi ken lukim tru olsem eksens reit bilong kina i go long US dola bai i go daun moa insait long 2016, na inflesen bai go yet, na em i narakain long wanem mak Treseri i ting bai kamap.

Wanem kain Potfolio bai kamap:

Wanem kain Portfolio bai kamap wantaim dispela kain lukluk bilong rot bilong iekonomi, na tingting bilong em i go bikpela, em i hatwok tru, tasol sampela samting i luk olsem i stap strong long dispela taim, kain samting olsem:

Oi domestik bon: Sapos iekonomi i gro isi, isi tumas olsem nau, orait, em bai gutpela samting long ol bon sapos ol reit o mak bilong ol bon i go gut wantaim gro bilong inflesen, hevi bilong fiskal posisen o mani problem bilong kantri, bai holim ol mani kamap long ol bon long stap antap insait long yia 2016,

Oi domestik ikwiti na propeti: Sapos iekonomi i gro isi, isi tru olsem tingting bilong mipela long neks yia, ol mani mak bilong ol ril estet o ol haus bilong rent na salim, we sampela i stap long lista na i no stap long lista, ating ikwiti bai kamapim sampela propit mani, tasol bai i no gat bikpela mani, na liklik mani tasol, bai inap kamap insait long yia 2016. Tasol, taim yumi kam klostu long pinis bilong yia 2016, ating bai mani mak bilong ol bisnis bai kamap ples klia, wantaim bikpela tingting bilong LNG-2, taim ol i wokim veluesen bilong ol sekyuriti insait long ol dispela sekta, na **Intenesenel:** Ol global ikwiti bai stap wankain yet wantaim bikpela prais, tasol dispela kain prais em i bin stap pinis long sampela yia nau. Tasol taim US Federel Risev o mani bilong kantri, Yunaitet Stret i go tait, na bilong mekim olgeta samting i stap wankain, em bai bringim mak bilong ikwiti i go antap. Bihainim dispela, wanpela wei bilong stretim ol ikwiti bilong US i stap yet olsem wanpela rot long 2016, maski ol maket i kisim inap toksave pinis long US bai taitim moa ol Federel Risev o mani bilong kantri. Em ol fainens maket na, ol ikwiti maket, tasol i save laik kirap nogut long ol kain olpela nius olsem.

Wantaim dispela toktok, NSL i laik tok gutpela seif na hepi holide, na gutpela niu yia bilong 2016 long yu.

WITH CHRISTMAS GONE,

WE TAKE THIS

OPPORTUNITY TO

WISH YOU A
HAPPY, SAFE &

PROSPEROUS

2016



Long kamap Nambawan pren bilong yu na famili; halivim, strongim na lukautim moni gaden bilong yu nau na bihain.

BIKPELA, GUTPELA, SEIF, STRONGPELA NA I STAP NAMBA WAN YET.



Sikret pren bilong Krismas

PLANTI bilong ol pikinini na ol yangpela na tu ol bik manmeri save wetim krismas long kamapim sikret pren long givim ol presen long wangepela narapela.

ol mekim na i bin kamap bikpela samting long ol pikinini na ol yangpela long dispela hap.

Krismas em taim bilong amamas na tingim bon de bilong Jisas we mama i bin karim em. Krismas tu em i taim bilong bungim ol famili.

Wan wan haus we pikinini bilong em i bin mekim sikret pren i kukim kaikai na bringim. Na kaikai i winim gen ol presen.

Planti bilong ol pikinini na yangpela i save wetim taim bilong Krismas na hap ol i stap long en long pasim tok long kamapim sikret pren.

Dispela ol pikinini na yangpela i singim ol krismas singsing pinis na bihain ol i kaikai. Bihain long kaikai ol i stat long autim ol presen na stat singautim nem bilong ol sikret pren bilong ol.

Long wokim sikret pren, em olsem, ol bai raitim nem bilong husat i laik kamap pren bilong narapela, na putim long bokis na wanwan lain bai pulim. Dispela nem yu pulim bai kamap sikret pren bilong yu.

Dispela nait bilong ol i bin kamap gut tru wantaim sapot bilong CPL husat i givim ol krismas hat, na Gavana bilong NCD, Powes Parkop husat i baim ol sof dring na katen aiskrim.

Ol pikinini na yangpela manmeri long Yumi Yet Estate long Gerehu long Mosbi i bin mekim dispela sikret pren. Em i namba wan taim

Ol poto i soim ol sikret pren i givim presen long ol pren bilong ol.

**Poto na Stori
Nicky Bernard**





GLASIM RAMU NICO PROJEK



Wanpela Ramu NiCo, Wanpela Komuniti

Ramu NiCo Menesmen (MCC) Limited long las wik i givimaut ain rufing kapa long ol papa graun bilong Inland Paiplain eria bilong Usino LLG olsem Krismas presen na strongim ol long wok bung wantaim kampani moa yet long ol yia ikam.

Kampani baim 504 kapa long mani-mak olsem K20,000 na givim 36 long fes 14 papa graun bilong Inlen Paiplain eria long Usino LLG. Dispela ol papa graun em ol lain husat i save was na lukautim 135 kilomita paiplain wei i save karim nikel na kobalt graun i go daun long Basamuk Rifaineri

Ramu NiCo Komuniti Afes Jeneral Menesa Martin Paining tok olsem dispela kapa ol givim i no stap insait long Ramu Projek Memorandum of Agremen (MOA), tasol kampani i amamas na luksave long ol nids bilong ol papagraun na givim dispela wantaim gutpela bel olsem presen insait long dispela Krismas. Kampani bai ol givim sampela moa i go long 106 papagraun long neks yia.

Mista Paining tok Kampani i wok long kamapim gutpela wok bung wantaim ol papa graun na bihain ol i ken lukautim 135 kilomita slari-paiplain bilong kampani we i ran antap na aninit long graun bilong ol.

Ol CA wokman bilong Ramu NiCo stat long Desemba 21 i go 23 i givim rufing kapa stat long Naru insait long Madang- Ramu Highway i go antap olgeta long Usino bikples.

Inlen Paiplain Lenona Asosesin (LOA) Deputi siaman, Sam Aimai tok tenkyu long Ramu NiCo Menesmen Ltd long givim kapa long ol na tok olsem dispela em wanpela spesel Krismas presen we bai stap longpela taim stret.

Ramu NiCo givim kapa olsem Krismas presen long papagraun

Em i tok tu olsem ol papa graun i no inap baim kapa long ol yet, bikos prais bilong kapa em antap tumas, olsem na dispela helpim Ramu NiCo i givim i mekim ol amamas tru.

Mista Aimai tok tu olsem kapa ol kisim em i no stap insait long MOA, tasol wok kampani wokim long givim kapa bai stap longpela taim na bai i bikpela.

“Mi tok bikpela tenkyu long kampani long luksave long ol manmeri bilong mi long Inlen Paiplain na askim gavman wantaim Mineral Resource Authority long helpim tu.

Em tokim kampani olsem ol manmeri bilong em bai wok bung wantaim Ramu NiCo yet na lukautim paiplain taim projek stat inap i go long taim maining operesin i pinis.

Wanpela papa graun Kelly Tootoma bilong Usino bikples i amamas tru long Ramu NiCo long givim em kapa long wokim haus bilong em.

Kelly em 52- yia old, na i gat dri-man long silip long wanpela haus-kapa haus bipo em dai na taim Ramu NiCo givim em dispela ol kapa em i amamas tru na tokim kampani olsem em bai lukautim paiplain na wok bung wantaim Kampai moa yet na kamapim moa gutpela frensip.




Ramu NiCo CA opisa Robon Lani (lephan) helpim long rausim kapa long Ono long eria bilong Sam Aimai




Wanpela papa na pikinini wet long kisim kapa arere long rot long Tapopo



Ol lain i rausim kapa long kar long Usino viles.



PNGOC i amamas long pinisim program bilong spot long gutpela mak



Wama bai pilai wantaim Hekari long raun 6

BIPO pilaia bilong Hekari Yunaitet FC, Wira Wama, i joinim gen Hekari long pilai long raun 6 bilong Telikom Nesenel Soka Lig resis.

Wama i save stadi long Yunaitet Stet ov Amerika, tasol em i malolo long wanpela semesta na nau em i trening hat tru long pilai wantaim olupela tim bilong em.

Em i no nupela man long tim Hekari, nogat. Em i save pilai long dispela tim inap long panti yia taim em i pilai soka long Kimbe.

Wama i gat 26 krismas, na papa bilong em long Sauten Hailans na mama bilong em long Wes Nu Britan.

Em i bin go long US long skul long Digital Midia Maketing long Maranatha

Baptis Yunivesiti na nau em i namba 3 yia bilong em long stadi.

"Mi bin pilai long US i helpim mi long kamap namba wan pilaia," Wama i tok.

"Mi kisim malolo liklik long stadi bilong mi long kisim wanpela ples long Hekari tim long pilai long Osenia Futbol Konfederesen (OFC) Sempionsip Lig long Nu Silan. Dispela pilai bai kamap long 2016."

Driman bilong em long putim ret, blek na yelo long makim PNG long OFC Nesen Kap bai kamap long Pot Mosbi long Me, 2016.

"Bipo mi bin pilai long Nesen Kap em long yia 2012 na nau mi i lukluk long makim kantri bilong mi gen," Wama i tok.

1 Sef de Misin bilong Tim PNG long 2015 Pasifik Gems, Richard Kassman, i sanap namba tu long han kais wantaim ol wokman bilong PNG Olimpik Komiti long CHM Haus. Ol i bin sanap bung wantaim long taim ol i bin lonsim singsing we ol i bin lainim long singim wantaim ol lain bilong PNG na sapotim Tim PNG.

2 Sef de Misin bilong Tim PNG, Richard Kassman, i sanap namba 4 long han kais, na ol 3-pela lain husat i komposim ol amamas singsing em wanpela meri na tupela man i sanap long namel. Wanpela bilong ol dispela komposa em top singa bilong PNG, Dadigii, i sanap klostu long Kassman.

3 Top swima bilong Tim PNG, Ryan Pini, i statim resis bilong em long blok 50m batapalai divisen. Pini i bin winim 7-pela Gol long 2015 Pasifik Gems na i skruim medal tali bilong Tim PNG i go antap moa yet na Tim PNG i win.

4 Trukai Industries i sapotim Weillifting Federesen na i bin givim dispela kar long helpim ol long wokim sampela wok we i nidim kar. Trukai Industries em i wanpela patna i bin stap baksait long PNGOC long go pas long lukautim Pasifik Gems na pilai i bin kamap long mak we i no gat wanpela asua i kamap.

Lukluk bek long SP PNG Hunters

Nicky Bernard i raitim

SP PNG Hunters em ragbi tim bilong Papua Niugini we i wok long pilai long Intrustsuper o Kwinslen Kap.

Tim Hunters wantaim strongpela sapot bilong bikpela sponsa, SP Bruri, i stat pilai long dispela o pilai resis long kompetisen long Kwinslen Australia insait long long tupela yia nau.

Dispela toktok bilong kisim wanpela tim bilong Papua Niugini long go pilai long NRL i wok long pairap long sampela yia i go pinis tasol kaikai bilong em i no kamap long pilai long NRL, tasol Kwinslen Kap i kamap.

Long 2014 SP Hunters i statim namba wan yia bilong em long dispela strongpela kompetisen bilong ol Kwinslen long Australia.

Dispela kompetisen ol bikpela tim long Nesanel Ragbi Lig(NRL) i save sanim ol pilaia long joinim tim bilong ol sapos ol lukim ol i pilai gut.

Planti tim long Kwinslen Kap kompetisen i bin kirap nogut long ol SP Hunters, long namba wan yia bilong ol long pilai. Planti tim i ting olsem em namba wan yia bilong ol na ol i no save gut long pilai ragbi lig. Dispela tingting bilong ol i popaia. SP Hunters i opim ai bilong ol wantaim strongpela pilai bilong ol long 2014 namba wan taim long ol long kompetisen.

Long 2014, SP Hunters i kamapim planti bilong ol gutpela pilai man husat nem bilong ol i pairap long dispela kompetisen. Kain lain olsem Garry Lo, Willie Minoga, Wartovo Puara na kepten bilong ol Israel Eliab.

Garry Lo i lusim tim Hunters long pinis bilong 2014 pilai long go pilai long England, taim nem bilong em i bin pairap klostu klostu. Wanpela foma Kumul pilaia, Stanley Gene, i kam kisim em

long go pilai long wanpela tim long England we i daunblo liklik long Kwinslen Kap.

Dispela go bilong em(Lo) na lusim tim Hunters i no go gut long sampela sapota na sampela ol bik manmeri bilong Papua Niugini. Planti lain i tok em hariap tru long lusim tim Hunters taim ol go pilai namba wan taim long Kwinslen Kap.

Kosa bilong SP Hunters Michael Marum i no wari tumas long go bilong Garry Lo bikos em i save olsem planti ol yangpela man i stap long karim wok Garry i lusim. Em i tok long 2014 em namba wan taim em kosa bilong tim Hunters tasol em kosa bilong Rabaul Gurias na tu namba tu kosa bilong PNG Kumuls aninit long Mal Maniga. Na dispela i mekim em long save husat man i ken pilai gut long wan wan posisen em makim ol long pilai long en.

SP PNG Hunters i bin mekim gut tru long nambawan taim, long pinis bilong 2014 SP Hunters i bin sidaun long lata bilong mein kompetisen long namba 6.

Marum i senisim ol pilaia bilong em long 2015, taim kompetisen i laik stat em bungim ol mangi bilong em na go insait long trenning long redi long 2015. Planti bilong ol pelapa pilaia i stap na Kosa Marum i kisim sampela yangpela long Digicel Kap resis na traim ol wantaim ol olpela pilaia.

Sampela bilong ol nupela i go insait long tim bilong 2015, long dispela yia. Marum wantaim ol selekta i makim gut tru tim bilong yumi PNG. Long stat bilong kompetisen, Hunters i no westim taim long stap antap long lata bilong Kwinslen Kap.

Long rekot nau bilong Hunters, ol i bin winim olgeta hom gem bilong ol long Kalabon long Kokopo long

2015. Long Kwinslen sampela ol i win na sampela ol i lus. Dispela ol win bilong ol long asples long Kokopo i bringim ol stap antap long lata bilong 2015.

2015 em yia bilong ol SP Hunters olgeta pilaia bilong ol bin mekim nem, maski em namba tu yia bilong nau long dispela kompetisen planti bilong ol bikpela tim long NRL i wok long putim ai long ol mangi Hunters. Sampela bilong ol stap pinis long trenning skwad bilong ol dispela bikpela tim long NRL.

SP Hunters tu i mekim nupela rekot long Kwinslen Kap, namba tu yia bilong ol na ol bin stap antap long lata na pilai long semi fainal tasol ol wanpela step tasol long gren fainol.

Planti manmeri na pikinini long PNG na Kwinslen i bin amamas long pilai bilong ol boi SP PNG Hunters long 2015.

Kosa Michael Marum i bungim ol boi bilong em pinis bilong 2016 resis, dispela ol boi bilong mas trenning strong sapos ol i laik stap insait long tim SP PNG Hunters bilong 2016.

SP PNG Hunters i lusim hom graun bilong ol long Kalabon long Kokopo Is Nu Briten Provins na kam bes long nupela hom graun long Pot Mosbi. Ol statim trenning bilong ol pinis na ol kisim malolo Krismas na Nu Yia na bihain bai ol kam bung na makim fainal skwat bilong wanpela traim pilai long Kwinslen Australia long 2016. Dispela traim pilai bilong ol em wanpela tasol na bihain bilong ol go insait stret long kompela tisen long kisim ol poin.

GO TIM SP PNG HUNTERS MIPELA STAP WANTAIM YUPELA LONG 2016



Bikpela fowad bilong Hunter Willie Minoga husat bai lusim ol Hunters na pilai wantaim ol Townsville Blackhawks long 2016.



Ol bikpela fowad bilong Hunters long 2014.



Kepten bilong SP Hunter long tupela yia, Israel Eliab, em bai lusim Hunters na go pilai long England long 2016.

Ol foto: Nicky Bernard



Spit sta bilong Hunters long 2014 Garry Lo, i lukluk long stap wantaim ol SP Hunters gen long 2016.



IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA

Tuna



Emi tuna
bilong PNG



Manufactured by:



RD Tuna Canners Ltd.

Moa mit na
oil insait



TUNA IN OIL

Nu Yia presen bilong Gigira



Jenerel Menesa bilong Gavman na Komyuniti Afes bilong KPHL i givim sek mani go long presiden bilong Gigira Laitepo FC Madiu Andrew na ol pilaia na opisal i lukluk i stap.

Nicky Bernard i raitim

GIGIRA Laitepo United FC i kisim eli Nu Yia presen i kam long wanpela bikpela sponsa Kumul Petroleum Holdings Limited.

Kumul Petroleum Holding i givim K100,000 i go long Gigira long helpim ol long stap insait long Telikom Nesenel Soka Lig long 2015 na 2016 resis.

Gigira Laitepo em wanpela olupela tim we i save pilai long Nesenel Soka Lig na i save stap long Lae long sampela sisen go pinis. NAu ol i muv kam daun long Pot Mosbi long stap insait long Sauten konpresis resis we i save kamap long nupela Bisini soka graun.

Gigira FC i mekim gut long NSL resis we ol i ran long namba tri ples long lata na dispela Nu Yia presen i kam long Kumul Holding bai kirapim ensin bilong ol long nupela yia.

Ol pilaia bilong Gigira FC i makim foapela rijen bilong PNG wantaim ol opisal tu na dispela i mekim Gigira i lait gut tru taim ol pilai save ran

insait long pilai graun.

Long makim maus bilong Gigira Laitepo FC, presiden bilong ol, Madiu Andrew, i tok tenkyu long bod bilong Kumul Petroleum Holdings long dispela Nu Yia presen long klap.

Andrew i tok dispela helpim bilong ol bai mekim ol yangpela mangi long pilai strong long karim nem bilong Gigira na tu Kumul Petroleum olsem bikpela sponsa.

Jenerel Menesa bilong Gavman na Komyuniti Afes, Ian Marru, i tok KPHL em kampani bilong PNG na i amamas tasol long helpim ol klap olsem Gigira.

Em i tok, Gigira Laitepo FC i gat planti ol yangpela mangi we i laik mekim nem bilong ol long pilai soka, na dispela helpim bilong K100,000 i go long klap bai ken helpim ol dispela yangpela mangi long tingting bilong ol long kamap gutpela soka pilaia.

Kumuls Petroleum Holding Limited i givim eli Nu Yia presen long K100,000 i go long Gigira Laitepo United FC long Trinde.

50 years
1965 - 2015
BOROKO MOTORS

ISUZU
N-SERIES

the Perfect Business Partner.